

NY FIFINDRANA FAHATELO



Ny zavatra rehetra azo atao, minoa fotsiny.

¹ Ndao isika hanondrika ny lohantsika ankehitriny ho an'ny tenim-bavaka iray. Miaraka amin'ny lohantsika miondraka, dia manontany tena aho raha misy fangatahana manokana izay tianareo ho fantatra eo anatrehan'Andriamanitra. Atsangano fotsiny ny tanganareo ary, ao anatin'ny tanganareo lalina ao fotsiny, dia hazony ny fangatahanareo.

² Ray An-danitra, mankasitraka izahay ny amin'ity, andro iray hafa izay hivorianay miaraka, eto amin'ity lafin'ny Mandrakizay ity. Ary miandry izahay izao maraina izao ny fanavaozana ny hery ho tonga avy Aminao, mba hanome anay herim-po ho an'ny dia izay mipetraka eo aloha. Miangona izahay tahaka ny nataon'ireo zanaka Hebreo vao maraina, mba hahazo ny mana izay efa voaomana ho azy ireo ny alina, mba hanohana azy ireo mandritry ny andro ho avy. Miangona ho an'ilay Mana ara-panahy izahay, izao maraina izao, mba hanome hery anay ho an'ilay dia.

³ Ao ambanin'ireo tanganana tsirairay izay mitsangana ireo, dia Ianao no mahafantatra izay rehetra ilain'izy ireo, Tompo. Ary mivavaka ny fivavako aho, miaraka amin'ny azy ireo, eto Anatrehanao, mba Hanomezanao ny ilaina rehetra izay ilain'izy ireo. Sitrano ny marary sy ny ory, Tompo. Fantatray fa Ianao no Andriamanitra, ary mahay manao ny zavatra rehetra, sy nampanantena ny hanao azy ireny raha afaka hanao fotsiny araka ny nandidian'ilay hira anay fotsiny izahay hoe, *Minoa Fotsiny*, sy araka ny nandrenesanay an'ireo teny lehibe hoe, *Mandehana Ka Miresaha Amin'Ilay Mpanjaka*.

⁴ Ankehitriny, Ray, Andriamanitra, taho ny Teninao raha hivoaka Izany izao maraina izao, ary enga anie Izany hahita ny Toeram-pitsaharanay ao amin'ny fonay, mba Hamokarany an'ireo zavatra izay angatahanay, Ray. Amin'ny Anaran'ny Tompo Jesosy no angatahanay an'izany. Amena.

Afaka mipetraka ianareo. Misaotra anao, ranabavy.

⁵ Mino aho fa izao no voalaza hoe, "Faly aho raha hoy izy ireo tamiko, 'Ndao isika ho any an-tranon'ny Tompo.'"

⁶ Nandao an'i Hot Springs aho, omaly, dia hoy Rahalahy Moore hoe, "Rahalahy Branham," hoy izy, "ianao, nahoana ianao no tsy mandeha midina, any Texas, ka miaraka amiko any amin'ilay fivoriana any," hoy izy, "miala sasatra mandritry ny andro vitsy?"

⁷ Hoy aho hoe, "Manana fivoriana anankiroa aho rahampitso."

Hoy izy hoe, “Fivoriana anankiroa?”

Hoy aho hoe, “Hia.”

⁸ Hoy izy, “Mafy tahaka ny nitorianao teto,” hoy izy, “ny lehilahy iray dia tokony hiala sasatra herinandro aorian’ny tsirairay avy amin’izy ireny.” Hoy izy, “Raisonareo ny pasitera iray, manome ny hafany Alahady maraina, sy ny sisa,” hoy izy, “avy eo dia miala sasatra izy amin’ny herinandro sisa. Ary, izany, ary angamba mety ho telopolo minittra izany, na zavatra tahaka an’izany.” Dia hoy izy, “Fa ianao nitory teo amin’ny ora roa na telo teto, matetika,” hoy izy, “ary koa, isan’andro isan’andro, ary indraindray dia indroa isan’andro, ary avy eo dia manao laharam-bavaka iray, sy ireo famantarana rehetra.” Hoy izy, “Ankehitriny ve ianao dia milaza fa handeha hody ianao, hanana favoriana anankiroa ny Alahady?”

Hoy aho hoe, “Eny, tompoke.”

Hoy izy, “Ahoana no hanaovanao an’izany?”

Hoy aho hoe, “Ny famonjena ahy dia avy amin’ny Tompo.”
Hitanareo?

⁹ Tara ny ora, tahaka ny anankiray, ny olona anankiray izay nilaza vao tsy ela, tao amin’ny vavaka, raha vao niditra aho. Tara ny ora, nefy ny zavatra ilaina dia betsaka, ary eto isika mba hiezaka ny hitondra ny anjarantsika, hanampy ao amin’ity ora lehibe izay iainantsika ity.

¹⁰ Ankehitriny, raha sitraky ny Tompo, anio hariva, dia tiako ny hiresaka ny lohahevitra hoe, “Mendrika ny Filazantsara ve ny fiainanareo?” Izany hoe, tiako ny handraisam-peo an’izany.

¹¹ Ary ankehitriny, tsy fantatry raha handray feo an’ity izy ireo izao maraina izao, na tsia. Mahita ny sasany aho ao amin’ilay efitra. Misy—misy ny sasany amin’ireo olona ao anatin’ao; ataoko fa mandray feo izy ireo. Izaho dia... Nihevitra aho fa Rahalahy Neville no hanao an’izao. Nanontany aho, tamin’ny Alahady lasa teo, nanao azy fotsiny mba hanao ny... hanohy ny hafany; ary avy eo dia hanohy, hamela ahy hanatsofoka zavatra aoriany. Saingy, raha tian’izy ireo ny handray feo an’ilay leson’ny sekoly Alahady, nahoana, dia ho tsara izany.

¹² Ary noho izany, raha sitraky ny Tompo, amin’ny Alahady manaraka, izany dia, raha avelan’ny Tompo ka eto isika, dia tiako ny hiresaka ny lohahevitra izay efa tiako horesahina hatramin’ny ela, sy nampanantenaiko fa hiresaka an’ireo Hafatra tahaka an’izany aho avy eto amin’ny tabernakla, aloha, ireo Hafatra voaray feo. Te-hiampanga an’ity taranaka ity aho nohon’ny fanomboana an’i Jesosy Kristy; amin’ny Alahady maraina manaraka, raha sitraky ny Tompo.

¹³ Ary ankehitriny, anio hariva, amin’ny fito, na amin’ny fito sy sasany, dia ny-dia ny Hafatra hoe “Mendrika ve ny fiainanareo?”

¹⁴ Ankehitriny, indraindray, eo am-piresahana an'ireo Hafatra tahaka an'izany, dia milaza zavatra izay tena mandrantsana mafy aho. Fa tsy dia tena te-hanao an'izany marina tokoa aho ho an'ity fiangonana eto ity, na zavatra tahaka an'izany. Tsarovy, rehefa miresaka aho, dia mandeha manerana an'izao tontolo izao izany. Hitanareo? Ary manana an'ireo fanaovana horonam-peo isika, manerana an'izao tontolo izao, ary alefan'izy ireo any amin'ireo anaty ala any ireo Hafatra ireo sy manerana. Ary ny Fanahy Masina indraindray no mitarika ahy hilaza zavatra izay mety ho tena zavatra izay Ilainy ho an'ny olona anankiray any Australia lavitra any, any ho any, na zavatra tahaka an'izany. Noho izany, angamba, toe-javatra sasany, izay hilazanareo hoe, "Eny, ankehitriny, tsy misy an'izany toe-javatra izany eto. Nahoana izy no milaza an'izany?" Angamba ho an'ny olon-kafa any ho any ilay izy, hitanareo. Noho izany, hia, azoko antoka fa ianareo vahoaka dia mahazo an'izany, hoe ireny Hafatra ireny dia tsy mivantana amin'ny olona iray. Mivantana fotsiny amin'ilay Fiangonana Izany, amin'ny ankapobeny, na aiza na aiza, ary na inona na inona hitarihan'ny Tompo antsika ho lazaina sy hatao.

¹⁵ Nanana fotoana lehibe aho tany Hot Springs, ary tao amin'ilay fivoriana Pentekotista fanao fahiny. Azoko antoka fa maro aminareo olona Pentekotista izay tany no afa-po, dia ianareo—ianareo izay nandeha tany. Eny, izao fotsiny, tsy fantattro ilay vondrona. Natao handeha ho any fotsiny aho mandritry ny herinandro iray, ary hanome andro roa na telo aho. Saingy te-hilaza zavatra anankiray aho. Tao amin'io fivoriana io, dia nanana finoana tokoa izy ireo, mba hino. Raha nisy anankiray aminareo tany . . .

¹⁶ Fa, fantattro, itsy ramatoa eto itsy, mipetraka eo an-jorony, tsy fantattro hoe iza izy. Na, eto mihitsy, fantattro fa tany izy. Ary fantattro fa nisy rahalahy vitsivitsy tany, Rahalahy Jackson, izy ireo, Rahalahy Palmer.

¹⁷ Izany no azon'ny olona rehefa manana finoana izy ireo. Hitanareo? Voamarikareo ve ilay laharan'ny fanasitranana? Tsy nisy anankiray izay niditra na nivoaka ka tsy nositranin'Andriamanitra. Hitanareo? Hitanareo? Ary noho izany, rehefa manana finoana ianareo . . .

¹⁸ Ary zavatra anankiray koa, mety misy sasany aminareo, mety tsy mahazo an'ilay fihetseham-po, mandihy, mihiakiaka. Eny, izy ireo fotsiny . . . Tsy njery olon-kafa izy ireo. Nihiakiaka fotsiny izy ireo, teo anatrehan'Andriamanitra. Hitanareo? Tena tsara izany.

¹⁹ Saingy, tiako ny hilaza, fa izany no anankiray amin'ny—anankiray amin'ny andiam-behivavy madio endrika indrindra izay hany hitako, ilay volo lava, ary—ary olona avy any anaty ala any, any anaty kirihiatra any. Fa tsy mino aho fa nahita

olona iray nanodidina teo izay karazan'ilay endrika moderina, fantatrareo izay tiako ho lazaina, manao an'ireo karazana lokontarehy rehetra sy ny sisa. Izany no maneho. Mety tsy mifanaraka amin'izy ireo aho ao amin'izay rehetra ampianariny, saingy tena afaka mifanaraka aho teo. Tahaka an'izany no Kristiana, amiko.

²⁰ Noho izany dia ny Tompo no nitarika ahy hiresaka lohahevitra iray, omaly, na afak'omaly, tamin'ny mitataovovonana: *Izao Indray Mandeha Izao Monja, Tompo*. Ary tao amin'ilay fiangonana, ny sasany tamin'izy ireo tao dia tsy nahafantatra, fa nataoko ho an'ny tanjona iray izany, satria ny Tompo no nitarika ahy hanao an'izany. Io vondrona kely io dia niroboka tao amin'ny zavatra anankiray, fa ny Tompo no nanampy an'izany mba—mba hanao an'ilay izy. Noho izany, tena nahafinaritra fotsiny ilay izy. Izaho tokoa . . .

²¹ Fantatrareo, mandalo ireo zavatra, raha tsy manana maso ara-panahy ianareo, dia tsy ho azonareo izany. Hitanareo? Tsy maintsy manantena an'ireny zavatra ireny ianareo.

²² Niditra aho. Ary io Rahalahy Ungren, izay teo amin'ny fanindroany teo izao no efa nandrenesako an'ilay lehilahy nihira. Vao niditra ny efitra mihitsy aho, dia nohirainy ny *Mandeha Aho Ary Miresaka Amin'Ilay Mpanjaka Aho*. Nieritreritra aho hoe, "Tsy mahafinaritra ve izany!" Ahoana fa ilay Mpanjaka no . . . Hitanareo? Mandeha dia miresaka, ny dikany dia hoe fiombonana maharitra izany. Tsy hoe ao am-piangonana fotsiny, fa, na aiza na aiza, dia mandeha ary miresaka amin'ilay Mpanjaka.

²³ Ary eo, jereo eny amin'ilay rindrina, fa misy karatra mipetaka eo amin'ilay sary kely eo, karazana toerana iray izay lehilahy anankiray antsoina hoe George Todd no—no nandoko ho ahy. Tsy fantatro hoe nahoana no mba nanaovan'ilay lehilahy an'izany. Angamba, mety, tsy nieritreritra mihitsy izy, fa nandoko an'ilay izy ary izany dia sarin'ny tendrombohitra iray, any ambadiky ny ala any, ary—ary ilay renirano kely miolankolana. Ary eo anilan'ilay renirano kely, no mitsangana ny dieravavy iray sy zana-diera iray, miaraka amin'ny sofify mitsangana, mijery ny eny am-pitan'ilay renirano kely. Tsy fantatro raha eo Atoa. Todd. Tsy mahafantatra azy aho. Fa, tiako ny hilaza an'izao, fa ny Tompo no niresaka tamiko rehefa njery an'io sary io aho. Ary angamba izy tsy nahafantatra, rehefa nandoko an'izany izy.

²⁴ Tsaroanareo ve ilay tantara keliko mikasika an'ilay diera izay ho tifirin'ilay lehilahy, sy ny antsony? Eny, io izy miaraka amin'ny zana-dierany, arak'izany, eo akaikin'ireo ranon'aina. Hitanareo? Tsindrimandry, ahoana no naha-teo an'io renindiera sy ny zanany io! Dia nieritreritra aho hoe, "Eny. Ary any ambadika any, izay misy, eo akaikin'ireo hazo maitso

mandrakariva, dia manana aho ny—ny reny iray sy zaza iray any, ihany koa, izay miandry any.”

²⁵ Misaotra anao, rahalahy, Rahalahy George Todd, raha eto ilay lehilahy izao maraina izao.

²⁶ Ankehitriny, dia hanana lesон’ny sekoly Alahady aho. Mazàna aho no somary lava amin’izany.

²⁷ Misy zavatra izay tsy mitsahatra mihetsika ao am-poko, tsy fantattro, hatramin’ny omaly. Ankehitriny isika...raha ny Tompo...izany dia—izany dia lohahevitra iray. Antitra aho, ary izaho—izaho tsy mahafantatra hoe hatramin’ny oviana aho no ho eto. Fa misy fanontaniana iray lehibe ao amin’ny fiangonana, izay manao ny olona ao amin’ny tsi-fitovian-kevitra, sy hevitra samihafa.

²⁸ Ohatra fotsiny ny fihinanana an’ “ilay paoma.” Ary nitory an’ilay Hafatra aho, ary mino aho, mafy tanteraka, afaka manaporofa an’izany amin’ny alàlan’ny Soratra aho, fa tsy paoma ilay izy. Hitanareo? Izany no niteraka fifanjevoana marobe.

²⁹ Noho izany, angamba, mialohan’ny hiainganay...Tsy maintsy miverina izahay ankehitriny, afaka telopolo andro, fantatraiseo, hiverina any Arizona. Ary noho izany raha, mialohan’ny hiaingako, raha sitraky ny Tompo, dia tiako ny handray ny Soratra. Ary aza raisim-peo izany. Raha mandray feo izy ireo, dia aza amidy ny horonam-peo. Aza avela hivoaka ilay izy. Te-hanazava ny tena Fahamarinan’ny fanambadiana sy fisaraham-panambadiana aho. Fanontaniana iray izany. Ary izao no ora farany, izay, “Rehefa hifarana ireo zavamiafin’Andriamanitra rehetra.” Ary omaly, nandeha nanerana ny tendrombohitra, teo amin’ny misandratr’andro teo, dia toy ny niteny tamiko ny Fanahy Masina hoe, “Raiso feo izany ary atokàny ilay izy,” tsy fantattro hoe nahoana, fa, “ny tena Fahamarinan’ny fanambadiana sy fisaraham-panambadiana.”

³⁰ Hoy ny sasany amin’izy ireo hoe, “Mahazo mifanambady ny olona, raha afaka mianiana izy ireo fa tao anatin’ny fiangajangana izy ireo.” Ary hoy ny hafa hoe, “Eny, raha ratsy ny fifampitondran’izy ireo, ka—ka tsy afaka miara-miaina izy ireo; dia tsaratsara kokoa ny miaina, eto an-tany, amin’ny fiadanana, toy izay miaina ny helo eto an-tany.” Sy ireo fanontaniana samihafa rehetra! Ary ny sasany dia manambady azy ireny amin’ny fomba ratsy fotsiny. Ary ny sasany dia tehamafy rano voahasina eo amin’izy ireny, ka mamerina azy ireny, ary manao hoe, “Tsy mbola nanambady mihitsy izy ireo.” Ary mitso-drano azy ireny, sy mamerina azy ireny ao amin’ny fiangonana indray. Misy ny karazana fifanjevoana rehetra. Saingy, raha misy io fifanjevoana betsaka io, dia misy ny Fahamarinana iray any ho any.

³¹ Izaho dia mino, ary manao an'izao amin'ny fanajana, izaho dia mino fa ny Tompo no nanambara an'ilay izy tamiko, ary izaho... ny Fahamarinana. Ary raha ho tonga eo anivon'ireo fiangonana izany, dia handrovitra an'ilay zavatra ho potipotika. Fa, angamba mety ho izany ilay izy. Fa izany dia... Tiako kokoa ny hamela fotsiny an'ireo pasitera, hamela fotsiny an'ireo pasiteran'ny fiangonana, hahazo an'ilay horonam-peo. Ary hamela azy ireo handefa an'ilay izy, ary avy eo dia azon'izy ireo atao ny mitarika avy eo amin'izany. Fa tiako fotsiny ny handray feo an'izany, mba hanehoana ny tena Fahamarinan'izany. Mino aho fa izao no ora izay "tokony hifaranan'ireo zava-miafina," tanteraka. Efa naneno izy ireo, araka ny nolazantsika, nanerana an'ireo taona, tao amin'ireo horonam-peo, araka ny nitondrantsika an'ireo *Tombokase Fito*, sy *Taona Fiton'Ny Fiangonana*.

³² Ary miatrika isika ankehitriny ny fotoana ho an'ny *Trompetra Fito*, ary avy eo dia ireo *Lovia*. Ary angamba afaka hametraka favoriana roa herinandro isika ka hametraka azy ireo miaraka. Tiako ny banana an'izany ho voaray feo.

³³ Ary avy eo, ankoatr'izany, dia miezaka aho ankehitriny ny hanao an'ilay izy ho voatsara, ka hanao boky avy amin'izany, an'ny *Taonan'ny Fiangonana*; boky fito an'ny taonan'ny fiangonana, horonam-peo fito, ary hanao an'ilay izy tahaka an'izany. Afaka mahavita an'ilay izy tena mora arak'izay azonay atao izahay, mba hahafahan'ny rehetra mahazo azy. Noho izany, raha mbola maharitra ela ny Tompo, ka lasa aho, dia ho hitanareo fa ireo zavatra izay nolazaiko tamin'ny Anaran'ny Tompo dia hiseho arak'izay nilazana Azy mihitsy. Tsy diso mihitsy, tsy mbola, ary ny sasany amin'Izany dia hitranga tsy ho ela.

³⁴ Ary izaho—izaho dia matoky fa ny Tompo dia hamela antsika hanao an'izany avy hatrany. Hilazantsika ny olona, amin'ny fotoana, satria hisy maro no te-ho tonga sy handre an'ireo zavatra ireo. Ary izaho—ary izaho dia mankasitraka an'izany.

³⁵ Raha tsy misy olona mino an'Izany, na tsy mihaino an'Izany, dia inona no hahatsara an'izany amiko, ny mitsangana eto, ka miteny zavatra mikasika an'Izany? Hitanareo? Izany dia ho toy ny manipy mofo eny ambonin'ny rano. Izany dia ho toy ny... Raha tsy misy olona hino an'izany, amin'izay fotoana izay dia ho toy ny manipy perla eo anoloan'ny kisoa izany. Fa misy an'alinaliny no mino an'Izany. Hitanareo? Ary mifikitra eo amin'ny Teny rehetra izy ireo. Ary tantsika ny hampidittra maro, arak'izay tratra, rehefa isika—rehefa isika no vonona banana an'ireo favoriana ireo, sy ho an'ny voninahitry ny Tompo. Ary matoky isika fa Andriamanitra dia hanome an'izany ho antsika.

³⁶ Ary tsy te-hahazo an'izany aho mandra-pahatongako ho voatsindrimandry araka an'Andriamanitra hanao an'ilay izy.

Andriamanitra dia manana fotoana ho an'ny zavatra rehetra. Hitanareo? Tsy mahazo mandeha eo alohan'izany ianareo. Raha mikapa ny varinareo ianareo alohan'ny... Raha mamestraka an'ilay fijinjana eo alohan'ny hahamasaka azy izy ireo, dia ny ampahany be indrindra amin'ny varinareo no verinareo. Hitanareo? Noho izany, rehefa vonona ny hanosika ilay antsimbary, dia hanosika an'izany Andriamanitra, amin'izay fotoana izay isika vao handeha hijinja. Fa izaho fotsiny... .

³⁷ Fa, mahatsapa ho voatosika tahaka an'izany aho. Nieritreritra aho fa hanetsika an'ilay izy, afaka kelikely. Omaly tontolo andro, dia tsy afaka nanala an'ilay izy tato antsaiko aho, ny omaly alina manontolo. Nandeha natory aho teo amin'ny roa ambin'ny folo teo. Natory teo amin'ny adiny telo teo aho, afak'omaly alina. Ary omaly alina dia tsy nahita tory aho. Kanefa, dia nisy Zavatra nanao hoe, "Raiso feo izany, *Fanambadiana Sy Fisaraham-panambadiana*." Hitanareo? Noho izany izaho—izaho... Raha sitraky ny Tompo, raha mbola mitohy ao am-poko izany ka maneho amiko bebe kokoa mikasika an'izany ny Tompo, eny, amin'izay fotoana izay, izaho dia... . Izaho—izaho dia mety handray feo an'izany. Hitanareo?

³⁸ Fa, tsarovy, ho an'ireo mpitoriteny ihany. Tongava ianareo, saingy, ary mihainoa. Fa ilay horonam-peo izy tenany, aoka... . Hitanareo, satria raha tonga eny anivon'ireo fiangonana izany, dia ny sasany amin'ity lâlana ity, ary ny sasany amin'itsy lâlana itsy, dia samy hisintona ny heviny manokana izy ireo. Ary tiako ireo rahalahy mpitoriteny hanana an'izany ao amin'ny biraony manokana, ary avy eo dia hamela azy ireo hiainga eo amin'izany, satria izy ireo no hany tompon'andraikitra tokana. Izy ireo no hany tokana. Tiako ny handeha ka handefana an'izany any amin'ilay mpitsara, ny sasany amin'ireo mpitsara madinika. Hia.

³⁹ Hahita an'izay nolazain'ny Tompo mikasika an'izany, *Fanambadiana Sy Fisaraham-panambadiana*. Tena masina loatra izany noho izay iheveran'ny olona azy. Ary izany dia mifanaraka tanteraka amin'Ny *Taranaky Ny Menarana*. Zavatra mitovy mihitsy, mitohy fotsiny mihitsy, izany ireo zava-miafina ireo. Tsarovy, "Amin'ny andron'ny anjely fahafito, dia hifarana ireo zava-miafin'Andriamanitra rehetra," ireo zavatra tsy fantatra izay ho sokafan'ny Tompo. Ankehitriny, hatreо... .

⁴⁰ Ankehitriny tsarovy, amin'ny fito sy sasany no hanombohanareo ny favorianareo. [Hoy Rahalahy Neville hoe, "Eny."—Mpand.] Ankehitriny, Rahalahy Neville, raha manana hafatra iray ianao ho an'ny rahariva, dia torio izany. Hitanao? ["Tsia, tompoko."] Tsy haka amiko eo amin'ny ora iray na dimy amby efapolo minitry izany, dia izaho no handray feo ny ambin'izany.

⁴¹ Tiako ny mihaino an-dRahalahy Neville. Tiako izy. Rahalahiko izy. Ary izaho—izaho dia mihevitra fa mpiresaka anankiray tsara indrindra izy, mpitoriteny mahafinarithra. Ary izaho... Zavatra anankiray mikasika an-dRahalahy Neville, izay tiako, dia rehefa milaza zavatra anankiray izy, dia miaina an'izay resahany izy. Ankehitriny, izany—izany ilay zavatra lehibe.

⁴² Fantatrareo, afaka miaina toriteny iray amin'ny olona iray ianareo tsara kokoa noho ny mitory anankiray aminy. "Fa ianareo mihitsy aza dia epistily voasoratra, vakian'ny olona rehetra." Ankehitriny, ndao isika, alohan'ny isika...

⁴³ Afaka mamadika an'ireo pejy isika, saingy Andriamanitra no tsy maintsy manokatra an'ity lesон'ny sekoly Alahady ity, noho izany dia ndao isika hangataka Aminy hanao an'izany.

⁴⁴ Ray An-danitra, izahay—izahay dia mijery ny ho avy amin'ny finoana. Mijery aho ankehitriny, amin'ny finoana, mankany amin'ny zavatra anankiray ho avy, Tompo, eto ambonin'ny tany, izay hanangona ny Olonao miaraka. Rehefa mahita an'ireo fiangonana anaram-pianganana tena mitarika loatra izahay ary lasa tena samihafa, dia tena manosika ny olona hivoaka tokoa izany; tena tahaka ny tany Egypta mihitsy, farao iray no nitsangana, izay tsy nahafantatra an'i Josefa.

⁴⁵ Tahaka ny tany Alemania, sy—sy tany Rosia, ary Italia, nanangana an'ireo Josefa ny olona, Hitler sy Stalin, Mussolini, izay nankahala ny Jiosy. Tsy maintsy niverina tany amin'ny taniny izy ireo. Andriamanitra, Ianao no manana an'ireo fomba fanaovana zavatra, izay tsy azonay. Ary Ianao no nanosika azy ireo. Tsy nanan-trano tany Alemania; ny zavatra rehetra dia nesorina tamin'izy ireo. Toy izany koa, tany Italia, Rosia, tsy nanan-toerana haleha. Ary naverina tany amin'ny taniny izy ireo, mba hanatanteraka mihitsy ny Teny.

⁴⁶ Oh, ilay tānan'Andriamanitra izay tia! Ahoana, fa indraindray, dia toy ny hoe masiaka izany, ny fomba izay iaretan'ny olona, saingy izany, dia mbola, izany no tānana malefaka an'i Jehovah, izay mitarika an'ireo Zanany kely. Misaotra Anao izahay, Tompo.

⁴⁷ Ankehitriny dia mivavaka aho, Andriamanitra, raha mahita an'ilay andro aho. Fa, manosika an'ireo mpino ilay anaram-pianganana, mandroaka azy ireo, milaza, fa, "Tsy maintsy eo amin'ny bokiny ny anaran'izy ireo, raha tsy izany dia very izy ireo. Tsy misy idirany amin'ny vondrona hafa." Izany dia ilay tānana malefaka an'i Jehovah fotsiny, izay nitarika azy ireo teo amin'ilay Hazon'Aina. Mivavaka aho, Andriamanitra, mba, ny tsirairay avy. Fantatro fa hanao izy ireo. Satria, izany no Teninao, ary tsy mety diso Izany. Ary enga anie izahay ho voatarika eo amin'ilay Hazon'Aina, mba hahafahananay ho tompon'ny Fiainana Mandrakizay, hahita ny

tànan'Andriamanitra, ary, amin'ny mason'ny finoana, dia hijery ny any ankoatr'ireto aloka ireto izay andehananay amin'izao andro izao, hahita an'ilay Tany nampanantenaina mipetraka mihitsy eo aloha.

⁴⁸ Tahio ny Teninao, izao maraina izao, Tompo, ireto Soratra vitsy sy naoty izay voasoratro eto ireto. Enga anie ho tonga ny Fanahy Masina ankehitriny, raha manokana ny tenako aho, ilay famoràna ny lela sy ny eritreritra, ny saina. Ary manokana ny sofin'ny fahazoany ny fiangonana, ny fony, ary izahay rehetra, miaraka, mba Hiresahanao aminay amin'ny alalan'ny Teninao, fa ny Teninao no Fahamarinana. Amin'ny Anaran'ny Teny, Jesosy Kristy, no angatahanay an'izany. Amena.

⁴⁹ Ankehitriny, avadiho ny Baibolinareo, ao amin'ny Bokin'ny Eksodosy. Ary ankehitriny dia tiako ny hamaky ampahany iray an'ny Soratra avy ao amin'ny Eksodosy, ny toko faha-3, manomboaka amin'ny 1 ka hatramin'ny 12. Henoy fotsiny, tsara, raha mamaky isika. Eksodosy, ny toko faha-3, 1 hatramin'ny 12.

Ankehitriny i Mosesy dia niandry ny ondrin'i Jetro rafozany, ilay mpisoron'ny Mediana: dia nitondra ny ondry tany ambadiky ny an-efitra izy, ka tonga teo amin'ny tendrombohitr'Andriamanitra, hatrany Horeba.

Ary ilay anjelin'ny TOMPO dia niseho taminy tao anaty lelafo tao afovoan'ny roimemby iray: ary ny . . . izy . . . ary njery izy, ka, indro, ilay roimemby fa nirehitra afo, nefatsy levona ilay roimemby.

Dia hoy i Mosesy hoe, hivily kely aho ankehitriny, mba hijery an'io fisehon-javatra lehibe io, fa ilay roimemby dia . . . nahoana no tsy may ilay roimemby.

Ary rehefa hitan'ny TOMPO fa nivily kely izy mba hijery, . . .

⁵⁰ Te-hanindry mafy eo amin'io aho!

Ary rehefa hitan'ny TOMPO fa nivily kely izy mba hijery, dia niantso azy avy tao afovoan'ny roimemby Andriamanitra, ka nanao hoe, Ry Mosesy, ry Mosesy. Dia hoy izy hoe, Inty aho.

Ary hoy izy hoe, Aza manakaiky ety: fa esory amin'ny tongotrao ny kapanao, fa tany masina io ijoroanao io.

Hoy koa izy hoe, Izaho no Andriamaniry ny razanao, ny Andriamanitr'i Abrahama, ny Andriamanitr'i Isaka, ary ny Andriamanitr'i Jakoba. Dia nanafina ny tavany i Mosesy; satria natahotra hijery an'Andriamanitra izy.

Ary hoy ny TOMPO hoe, Hitako tokoa ny fahorian'ny oloko izay any Egypta, . . . Efa reko ny fitarinany noho ny ataoñ'ireo mpampahory; fa fantattro ny fijaliany;

Koa midina aho hanafaka azy amin'ny tangan'ny Egyptiana, ary hitondra azy ireo hiakatra hiala amin'izany tany izany ho an'ny amin'ny tany tsara iray...tany malalaka iray, ary tany iray tondra-dronono sy tantely; any amin'ny toeran'ireo Kananita, ... Hetita, ... Hivita, ... Jebosita.

Ary ankehitriny, indro, ny fitarainan'ny zanak'Isiraely dia tonga eto amiko: ary efa hitako koa ny fampahoriana izay ny Egyptiana no nampahory azy ireo.

Koa avia ianao ankehitriny, fa izaho no haniraka anao ho any amin'i Farao, . . .

⁵¹ Voamarikareo ve? “Midina aho.” Nefa, “Izaho no haniraka anao.” Andriamanitra, mandeha ao amin’ny endrika lehilahy anankiray. “Mandehana.” Mamelà ahy hamaky ny andininy faha-10 indray.

Koa avia ianao ankehitriny, fa izaho no haniraka anao ho any amin'i Farao, fa ianao no hitondra ny zanak'Isiraely oloko hivoaka avy any Egypta.

Ary hoy i Mosesy tamin'Andriamanitra, Iza moa aho, no hankany amin'i Farao, ka hitondra ny zanak'Isiraely hivoaka avy any Egypta?

Dia hoy izy hoe, Homba anao tokoa aho; ary izao no famantarana ho anao, fa izaho no naniraka anao: Rehefa ianao no tonga mivoaka . . .

⁵² Mamelà ahy ianareo.

. . . Rehefa ianao no mitondra ny olona mivoaka avy any Egypta, dia hanompo an'Andriamanitra eto amin'ity tendrombohitra ity ianareo.

⁵³ Tsy voamariko io, tany aloha, fa teo am-pahatsapana lalina fa voatsindrin'ny Fanahy izao maraina izao, dia azoko vao izao izany. Andriamanitra, namerina ny Mpanompony indray tany amin'izay nandosirany, Nomeny ny famantararan'ny tendrombohitra izy. Tsy mbola voamariko mihitsy io raha tsy vao izao. “Izany no famantarana Mandrakizay ho anareo.” Hitanareo?

⁵⁴ Ankehitriny isika dia hiresaka, izao maraina izao, eo amin’ny lohahevitra ny amin’ny fifindrana faharoa ankehitriny; an’ny vahoakan’Andriamanitra, na ilay antso ho an’ny vahoakan’Andriamanitra hivoaka. Ny *Eksodosy* dia midika hoe “nentina nivoaka; nantsoina hivoaka; nesorina niala avy tao.” Ary tiako ny hampiasa an’izany ho lohahevitra iray, an’ny fifindrana faharoa an’ny vahoakan’Andriamanitra. [Rahalahy Branham dia manome lohateny an’izany hoe, Ny *Fifindrana Fahatelo*, tamin’ny favoriana hariva—Mpand.]

⁵⁵ Ankehitriny, dia nanana fifindrana maro izy ireo, mazava ho azy, fa miresaka ny amin’ny fotoana izay

niantsoan'Andriamanitra fifindrana anankiray aho, fisarahana tamin'izay nisy azy ireo, tamin'izany fotoana izany. Eto, dia vonona Andriamanitra ny hanatanteraka ny Teniny Masina nampanantenaina izay Nomeny an'i Abrahama, sy Isaka, ary Jakoba. Taona maro, an-jatony taona no efa lasa, saingy, kanefa, tsy manadino ny Fampanantenany mihitsy Andriamanitra. Amin'ny vanin'andro, amin'ny fotoana mety, dia manatanteraka ny Fampanantenany foana Andriamanitra.

⁵⁶ Noho izany, dia afaka mitoetra mahatoky ianareo ny amin'izay nampanantenain'Andriamanitra ao amin'ity Baiboly ity, Hataony izany. Tsy ilaina mihitsy ny hanandrana hieritreritra zavatra hafa, ka hanao hoe, "Eny, ny mpaminany dia, angamba, dia diso," na, "tsy hitranga amin'izao andro izao izany." Toy ny hoe saiky tsy azo natao ilay izy tamin'izany fotoana izany, mbola tsy azo atao mihoatra lavitra ilay izy ankehitriny. Saingy Andriamanitra no nanao an'ilay izy, na izany aza, satria Izy no nampanantena fa Izy no hanao an'ilay izy.

⁵⁷ Ary jereo hoe tsotra toy ny ahoana no Anaovany an'ilay izy. "Midina aho. Reko ilay fitarainana. Tsaroako ny Fampanantenako. Ary midina Aho hanao an'izany, ary maniraka anao Aho. Ianao no manao an'ilay izy. Homba anao Aho. Izany tokoa, homba anao Aho. Ilay tsy-, Fanatrehako tsy diso mihitsy no homba anao na aiza na aiza alehanao. Aza matahotra." Hitanareo? "Midina Aho hanafaka." Azoko antoka fa mahatakatra an'izany ny fisainana ara-panahy. Hitanareo? Hitanareo? "Izaho—Izaho no—Izaho no maniraka anao, hitondra ny Oloko ho amin'ny fifindrana anankiray. Antsoy izy ireo hivoaka, fa homba anao Aho."

⁵⁸ Ankehitriny, ahoana—ahoana no hahafahantsika hitsahatra, ahoana no hahafahan'ny finoana hahatakatra an'io fihazonana teo io. Hitanareo? Andriamanitra no hanao an'izany. Izy no nampanantena an'izany. Tsy mampaninona na manao ahoana, na inona ireo toe-javatra, na izay lazain'ny olon-kafa, Andriamanitra no hanao an'izany, na izany aza, satria Izy no nampanantena fa hanao. Ary Ataony tena tsotra ilay izy, ka, izany—izany dia lasa any ambonin'ilay—ilay fahazoan'ny saina nobeazina izay hiezaka ny handanjalanja mikasika an'izany hoe, "Ahoana no hampisy an'izany?"

⁵⁹ Tsy miteny aho akory fa ny olona anankiray ankehitriny, miaraka amin'ny fisainana tsara, matanjaka, fianarana tsara, ka izany olona izany dia tsy hahazo Azy. Tena tsara daholo izany, ary mahafinaritra, raha mbola mampiasa an'izany foana tsy handanjalanjana izy, fa, ilay fanabeazana izay azony, dia mba hinoany an'Andriamanitra. Aoka ilay izy mba hiova ho fahatsorana amin'ny fihainoana an'izay nelazain'Andriamanitra, ka hino an'Izany. Hanampy azy ny fanabeazany amin'izay fotoana izay.

⁶⁰ Mariho. Fa rehefa miezaka ny handanjalanja ilay olona hoe, “Tsy mety ho vita izany,” amin’izay fotoana izay dia izany no hitarika azy hanalavitra an’Andriamanitra, tsy an-kitsahatra, hatramin’ny farany, rehefa miezaka izy ny—ny hihaino an’izany, ilay fahalalany manokana. Hitanareo? Raha tsy mahazo ianareo, ka milaza zavatra anankiray ny Baiboly, dia tsindrio fotsiny Izany hoe, “Amena.” Avelao fotsiny handeha tahaka an’izany ilay izy.

⁶¹ Ankehitriny, raha tokony hanondro an’ireto Soratra ireto, dia azonareo raisina naoty fotsiny izy ireo, ao amin’ity lesон’ny sekoly Alahady ity. Fa ho vitako, angamba, raha tianareo ny hijery an’izany. Saingy, voalohany, dia manana maro be aho eto. Ndao isika . . .

⁶² Alohan’ny ahitantsika hoe inona no dikan’ity fifindrana ity, dia hanao tandindona an’ilay fifindrana ankehitriny aho; ny fifindrana tamin’izany, miaraka amin’ny fifindrana ankehitriny, ary diniho raha tsy mandeha mirazotra tanteraka ilay izy. Ny anankiray amin’izy ireo dia ara-nofo. Ary ireo zavatra tena mitovy tamin’izay Nataony tao amin’ny ara-nofo ihany, no Ataony tandindona indray izany, nanao ara-tandindona an’izany ao amin’ny ara-panahy, fifindrana ara-panahy iray.

⁶³ Mahafinaritra, ny mahita ny Tenin’Andriamanitra! Ahoana no hahafahan’ny olona miteny fa tsy voatsindrimandry Izany? Ity dia efa nisy teo amin’ny valonjato sy roa arivo taona lasa izay, fantatrareo. Ary ahoana fa izay Nampanantenainy, sy izay efa Nataony ka nipetraka teo mba ho ohatra, ahoana Izy—Izy—Izy no manao aloky ny zavatra anankiray mba ho vavolombelon’ny—ny zava-misy. Hiditra amin’izany aho, rahariva, ny eo anelanelan’ny volana sy ny masoandro, raha sitraky ny Tompo.

⁶⁴ Fa, voalohany, dia tsy maintsy mijery indray ny Genesisy isika mba hahitana hoe nahoana izy ireo no tany Egypta. Nahoana ireo vahoakan’Andriamanitra no tany ivelan’ilay tany? Na izany aza, Andriamanitra no nampanantena an’izany, teo amin’ilay nisy ny fiandohana mihitsy, tamin’i Abrahama, Isaka ary Jakoba, tany Palestina, no nanomezan’Andriamanitra azy ireo an’ilay tany, ka nanao hoe, “Ity ilay izy.” Oh, noho izany, nahoana no tsy teo amin’ilay toerana izay nomanin’Andriamanitra ho azy ireo ny vahoaka?

⁶⁵ Izany no fanontaniana amin’izao andro izao, ihany koa. Nanome antsika ny pentekosta Andriamanitra. Nanome antsika ny Bokin’ny Asa Izy. Nanome antsika ny Fanahy Masina Izy, mba hitarika antsika sy hitari-dàlana antsika. Nanome antsika Tany iray Izy. Ary nahoana isika no any ivelan’Izany? Nahoana ny fiangonana no any ivelan’Izany? Nahoana ilay fiangonana Kristiana lehibe amin’izao andro izao no tsy miaina indray tahaka ny Bokin’ny Asa, mamokatra an’ilay zavatra mitovy? Misy antony anankiray ho an’izany.

⁶⁶ Isika rehetra dia mahafantatra fa voasaraka isika, ary ao anatin'ny toerana mahatsiravina no misy antsika. Ary ny toerana mahatsiravina indrindra izay—izay hany iainan'ny Kristianisma, dia amin'izao andro izao. Ary isika dia eo amin'ny... tena eo amin'ny morona na ny moron-tevan'ny—ny fitsarana lehibe, mampatahotra iray hamely ny fiangonana. Ary mialohan'ny hitrangan'io fitsarana io, dia miantso fifindrana anankiray Andriamanitra, tena tahaka ny Nataony tamin'izany fotoana izany mihitsy. Feno ny fahotan'ny Amorita, noho izany Izzy—Izy dia miantso ny—ny fifindrana ara-panahy iray. Ankehitriny ndao isika hiverina vetivety fotsiny, ao amin'ny tandindona, dia hahita.

⁶⁷ Lasa nankany Egypta izy ireo, izy rehetra noho ny fialonana rahalahy anankiray. Izany no antony nahatonga ny Isiraely tany Egypta tamin'izany fotoana izany, any ivelan'ilay tany. Tsarovy, ireo teny fikasan'Andriamanitra dia raha mbola nijanona fotsiny ihany tao amin'io tany io izy ireo.

⁶⁸ Ankehitriny dia hitanareo ve hoe inona no notenenintsika tao amin'ny vavaka, fotoana vitsy lasa izay? Nahoana Andriamanitra no tsy maintsy nanamafy ny fon'i Farao? Mba hamerina ny vahoaka any amin'ilay tany nampanantenaina, alohan'ny Hahafahany hitahy azy ireo, hitondrana ny Mesia ho azy ireo.

⁶⁹ Nahoana Izzy no tsy maintsy nanamafy ny fon'i Hitler, hanohitra ny Jiosy, nefà izy aza dia Jiosy tapany, ny tenany? Ahoana no Nahafahany tsy maintsy nanao an'izany tao amin'i Stalin, Mussolini? Hitanareo? Tsy voatsindrimandry ny olona, tahaka ny firenena iray, izy ireo—izy ireo... Andriamanitra dia tsy maintsy maka an'ireo—ireo zavatra izay iainany, ireo lalànan'ilay tany, matetika, mba hanao ny Fampanantenany ho marina. Noho izany, dia tsy maintsy nanamafy ny fon'ireo mpanao didy jadona ireo Izzy, mba handroahana ny Jiosy hiverina any amin'ilay tany nampanantenaina. Tsy maintsy tahaka an'izany ilay izy.

⁷⁰ Ankehitriny dia mahita isika, fa, midina, Josefa... Fantatsika ny tantara, raha miverina amin'ny Genesisy isika, ary ianareo dia afaka mamaky an'izany. Satria, tara kely fotsiny aho nanomboka an'ity lesion'ny sekoly Alahady lava ity, ka hiezaka ny handeha haingana aho.

⁷¹ Mariho ankehitriny. Vakio ny tantara raha vitanareo, ny amin'i Josefa, izay teraka farany tamin'ireo rahalahiny, akaikin'ilay farany. Ny fisainana ara-panahy dia hahatakatra an'izany avy hatrany. Tsy izy no zaza farany; i Benjamina no izy. Fa, tao amin'ilay fanilihana, diniho. Josefa sy Benjamina dia tena mpirahalahy iray rà, ary ireo anankiroa ireo ihany no tena mpirahalahy. Tsy nahazo an'ilay fanekena mihitsy i Benjamina raha tsy nihaona tamin'i Josefa izy. Ary teo amin'ny

sisa tamin'izy ireo, dia i Benjamina no nomena anjara roa tamin'ny zavatra rehetra izay nomen'i Josefa. Eny àry. Mariho ankehitriny, hitantsika izany teo, izy ireo dia . . .

⁷² Nesorina niala tamin'ireo rahalahiny izy satria ara-panahy izy. Olona malaza izy, na dia manetry tena indrindra tamin'ilay andiany aza, ny kely indrindra tamin'ilay andiany. "Ary izy ireo dia nankahala azy tsy amin'ny antony." Tsy tokony nankahala azy izy ireo. Tokony hanaja azy izy ireo. Satria, nahoana izy ireo no nankahala azy, satria ve rahalahy iray izy? Tsy dia izany loatra. Nankahala azy izy ireo satria Andriamanitra dia niasa niaraka taminy mihoatra lavitra nohon'ny Niasany tamin'ny sisa tamin'izy ireo. Hitanareo? Izy dia nanome azy ny—ny—ny—ny fahazoana ara-panahy. Afaka nandikanofy izy, tanteraka mihitsy. Ary afaka nilaza mialoha an'ireo zavatra izay hiseho izy, tanteraka mihitsy, tena tahaka an'izay naha-izy azy. Ary izy—ary izy tsy nanatsoaka totohondry mihitsy.

⁷³ Izy dia nahita ny—nynofy ny amin'ireo amboara niankohoka tamin'ny amboarany, ary tezitra taminy ireo rahalahiny tamin'izany. Hoy izy, "Ataoko fa, amin'izay fotoana izay, ianao holy-roller kely io," amin'ny teny hafa dia hoe, "tsy maintsy hiankohoka eo anatrehanao ve izany izahay indray andro any?" Saingy izany ilay fomba nitrangany. Hitanareo? Ahoana no mba niankohofan'ireo olombe goavana be ireo teo anatrehan'ity lehilahy kely, tsy misy dikany nitsangana teo ity? Saingy nanao izy ireo, nanao tokoa izy ireo, ary niangavy famindram-po. Saingy tsy tonga teo amin'ny fahefana izy, tsy mbola, hitanareo. Tao anatin'ny endrika zaza fotsiny izy tamin'izany.

⁷⁴ Ary avy eo dia hitantsika, tamin'ny fanaovana an'izany, fa nesorina teo anivon'ireo rahalahiny i Josefa, ireo anaram-piagonana, ary napetraka irery. Hitanareo? Ireo rahalahiny, izy rehetra tao amin'ilay tany. Ary avy eo dia tonga ny zavatra lehibe anankiray. Fantatsika fa Israely . . . raha mbola nitoetra tao amin'ny toeram-ponenany foana izy ireo, ka nitandrina. Ankehitriny, izany no zavatra tsara anankiray, mijanona eo amin'ny toerana. Ara-toerana, dia tsara izany. Saingy, tsy niraharaha an'ilay Fanahy izy ireo.

⁷⁵ Ireo mpanaraka fototra, amin'izao andro izao, ara-toerana dia mahafantatra hoe inona izy ireo, amin'ny alàlan'ny fandraisana ara-tsaina ny Baiboly, saingy tsy misy Fanahy. Nandà an'i Josefa izy ireo, nandroaka Azy. Tsy misy nilàny an'Izany. "Andiana holy-rollers io. Io dia . . . Tsy misy ilànat an'Izany." Nahilik'izy ireo Izy, namidiny Izy, tamin'izao tontolo izao. Tany ivelan'ny fiombonany izy ireo.

⁷⁶ Ankehitriny, amin'ny fanaovana an'izany, nentina niala tamin'ny toerana izy ireo, nentina nankany Egypta, taty aoriania.

⁷⁷ Ankehitriny, ny tantaran'ireo rahalahy mpialona ireo dia tena fampitahana iray lehibe amin'ny lafiny ara-panahy

an'izany amin'izao andro izao. Isika—isika rehetra dia mahalala tsara an'izany, fa izany no fialonana madio, tsy hoe madio. Izany no fialonana ratsy, maloto, fahalotoana. Hitanareo? Tsy misy fahadiovana ao anatin'ny fialonana. Hitanareo? Tsy misy afa-tsy fialonana maloto. Fa, mahita ny Baiboly iray ihany izy ireo, ary ny natioran'ilay Andriamanitra iray ihany izay nanoratra ny Baiboly, nanamarina ny Tenany, nefà avy eo dia nolavin'izy ireo tsy amin'ny antony Izany. Madio... Eny, tsy hoe madio. Araka ny nolazaiko, dia fialonana maloto izany. Mijery an'Andriamanitra manasitrana ny marary, manangana ny maty, ilay Andriamanitra iray ihany izay velona tamin'ny andron'ireo apostoly! Ilay Filazantsara iray ihany izay nosoratan'izy ireo, nandritr'io dia ara-panahy io, dia ilay Andriamanitra iray ihany izay manao an'ilay zavatra mitovy. Noho izany dia tsy misy afa-tsy fialonana izy ireo, nanilika, "Ary tsy hanana an'Izany eo anivon'ny olontsika isika." Hitanareo? Noroahany izy ireo!

⁷⁸ Nihevitra izy ireo, ireo rahalahy, fa tsy hila lehilahy tahaka an'izany mihitsy izy ireo, noho izany, "Nahoana moa isika raha tsy miraharaha azy fotsiny?"

⁷⁹ Izany ilay izy, nitranga ilay zavatra mitovy amin'izao andro izao. Mihevitra izy ireo, fa, "Satria lasa ara-tsaina ireo fiangonantsika, ka manana an'ireo olona marobe tsara akanjo isika, ilay rafi-pandaminana lehibe indrindra, ireo mpitoriteny faran'ny mahay indrindra, ka dia tsy misy ilantsika ny Fanahy Masina amin'ny fomba izay naha-izy Azy fahiny." Fa, feno izy ireo. Amin'ny teny hafa, ireo asa no miteny lavitra noho ny teny: Fa ireo seminerany, sy ireo...ny atidohan'ireo—ireo vatany, ary ny fahatongavany miaraka sy—sy adi-hevitra amin'io zavatra io, dia metimety kokoa, miaraka amin'ireo fisainany aratsaina manokana, hametraka ny Fianganana amin'ny lamina, tsaratsara kokoa noho ny hanaovan'ny Fanahy Masina an'ilay izy. Noho izany, dia tsy mila an'Izany intsony izy ireo. "Izany dia Zavatra izay tsy ilainay amin'izao andro izao. Izany dia, efa lasa ireo andron'izany." Ankehitriny, tsy marina mihitsy ve izany? [Hoy ny fiangonana hoe, "Amena."—Mpand.] "Tsy mila ny Fanahy Masina hanasitrana ny marary izahay. Manana an'ireo dokotera izahay. Tsy mila ny Fanahy Masina hiteny amin'ny fiteny tsy fantatra izahay. Olona mahay izahay rehetra." Ary rehefa manao an'izany ianareo, dia esorinareo, avy ao amin'ilay rafitrareo mihitsy, ilay Lâlam-piaianana.

⁸⁰ Hoy Jesosy tamin'ireo Jiosy, tamin'ny Androny hoe, "Tsy efa novakianareo ve fa, 'Ilay Vato izay nolavina no Vatofehizoro izay ipetrahan'ny fanorenana rehetra'?"

⁸¹ Ankehitriny, hitanareo ve izay tiako ho lazaina? Azoko antoka fa ianareo—ianareo dia hahatakatra an'izany. Fa, ny—ny anton'izany ankehitriny, dia satria nihevitra izy ireo fa tsy hila an'Izany mihitsy izy ireo. "Tsy mila ny mpiteny amin'ny fiteny tsy fantatra izahay. Tsy mila mpandika ny fiteny

tsy fantatra izahay. Tsy mila intsony an'ireo mpaminanin'ny Testamenta Taloha izahay hametraka anay amin'ny lamina, amin'ny alàlan'ny Fanahy Masina. Azonay Izany." Hitanareo? Nanangana rafitra iray nataon'olona izy ireo mba haka ny toeran'ny Fanahy Masina.

⁸² Noho izany, dia misy ny vahoaka izay voafidy, manana ny anarany ao amin'ny Bokin'ny Fiainan'ny Zanak'ondry, tsy afaka manaiky an'izany izy ireo. Ara-tsaina loatra izy ireo, ary noho izany dia tsy afaka hanaiky an'izany izy ireo. Tsy tantin'izy ireo izany, tsy mampaninona na dia niaina tamin'izay karazana fiangonana rafi-pandaminana aza ireo rainy sy reniny.

⁸³ Rehefa manatanteraka ny fiangonana anankiray, manao, angamba tsy nilaza mazava tsara an'izany izy. Oh, tsia. Tsy hiteny mazava tsara an'izany izy ireo, saingy ireo fihetsiny no manaporofo an'izany. *Ity* no Teny. Ary ny Fanahy Masina no manaporofo an'izany eo anivon'ireo, rehefa afaka mahazo azy ireo miaraka Izy, fa mbola manasitrana ny marary Izy, sy manangana ny maty, sy miteny amin'ny fiteny tsy fantatra, ary mandroaka devoly. Koa, izany dia miankina amin'ny... an'izay ao anatin'ilay olona.

⁸⁴ Rtoa. Arganbright io, dia nieritreritra fa, indray andro, nipetraka teo amin'ilay lèlana tany, nanapaka ahitra, rehefa nanapaka ny bozaka izy. Nandalo aho, teo anilany mihitsy. Tsy nahafantatra ahy izy, ary navelako nanohy fotsiny izy. Nandinika aho.

Ankehitriny mariho ilay Fanahy Masina ao amin'ny Asany lehibe.

⁸⁵ Ilay fiangonana dia mahatsapa fa tsy mila ny Fanahy Masina izy. Ireo fiangonana no hiteny aminareo an'izany. Ary ireo lehilahy dia afaka hitsangana ka hanome anareo fiteny ara-tsaina anankiray, saiky afaka hanao anareo hino an'izany. Ankehitriny, ndao isika hijanona eo, iray minitra. Tsy nilaza ve Jesosy fa ireo anankiroa ireo dia tena hiaraka hifanakaiky, "Hamitaka an'ilay tena Voafidy izany raha azo natao"? [Hoy ny fiangonana hoe, "Amena."—Mpand.] Ireo fiteny ara-tsaina dia tena halama tokoa, hany ka izany dia—izany dia hamitaka ny olona. Izany no filazantsara, izany ireo lehilahy izay afaka mitondra an'ilay teny amin'izany fomba izany, hany ka saiky afaka mihitsy izy hanao olona ara-tsaina rehetra, raha mitoky amin'ireo ara-tsainy ianareo, izy ireo—izy ireo dia hanameloka ny Fanahy Masina, ary—ary haka ny lèlàn'ny olona. Hitantsika izany.

⁸⁶ Ankehitriny, izay ilay zavatra mitovy izay niheveran'izy ireo ny amin'i Josefa, ary tsy niraharaha azy izy ireo. Ary, oh, tany Egypta, oh, toy ny ahoana no hahafahantsika mieritreritra, toy ny ahoana no hahafahako mandany ora maro. Afaka mijanona eto ianareo mandritry ny telo taona nefä dia tsy

ho afaka amin'izany lohahevitra izany, andro aman'alina, ka hahita an'ireo atiny lehibe an'ny Fanahy Masina. Ny fisainana ara-panahy no afaka mijery any Egypta sy mahita an'ilay fanenjehana mipoitra; afaka mahita an'i Josefa nesorina, mba hahafahan'io fanenjehana io hipoitra. Ary avy eo mahita an'Andriamanitra, miaraka amin'ny Kodiany ao anatin'ireo kodia, ny zavatra rehetra mihodina tanteraka mihitsy. Mahita an'i Potifara mandà an'i Josefa; mahita an'ilay lainga voalaza. Ary mahita an'i Josefa tao an-tranomaizina, ary nitombo ny volombavany, voahilik'ireo rahalahiny. Fa tamin'izay fotoana izay, tampoka teo, dia niditra Andriamanitra. Hitanareo?

⁸⁷ Toy ny ahoana no hahafahantsika mahita an'ilay kodia ao amin'ireo kodia, mihetsika! Ilay drafitr'Andriamanitra lehibe mamindra ny zavatra rehetra avy amin'io fifindrana io, ho amin'ity fotoana izay Hiantsoany ny Vahoakany hiverina indray ao amin'ilay tany ity, hiverina amin'ny toerana, ao amin'ny toerana izay Hahafahany hitahy azy ireo sy hametraka eo anivon'izy ireo an'ilay Tokana izay Nampanantenainy fa Hapetrany eo anivon'izy ireo. Tsy maintsy ho amin'ny taniny izy ireo. Tsarovy, tsy maintsy nivoaka avy tao amin'ny tany izay nisy azy izy ireo, ary miditra ao amin'ilay tanin'ny fampanantenana, mialohan'ny hahatongavan'ny Mesiany izay nampanantenaina.

⁸⁸ Ary ny Fiagonana dia tokony hanao an'ilay zavatra mitovy; mivoaka avy ao amin'ilay vondron'ny mpandà, mankany amin'ilay teny fikasana, mialohan'ny hahafahan'ny Mesia ho voaseho eo anatrehan'izy ireo. Hitanareo ve izany? [Hoy ny fiagonana hoe, "Amena."—Mpand.] Ny Fiainan'ilay Mesia, voaseho, manao Fiagonana iray ho vonona, Ampakarina iray.

⁸⁹ Raha ny vehivavy iray manambady lehilahy iray, ka tsy mifanaraka aminy, dia ho karazan'ny—ny fifamaliana izany, tsy an-kitsahatra. Fa rehefa ny lehilahy iray sy ny vadiny, ny sakaiza vaviny, ny fofombadiny, rehefa ao anatin'ny fifanarahana tanteraka izy ireo, tahaka ny fanahy anankiray sy saina anankiray, satria izy ireo dia ho lasa nofo anankiray.

⁹⁰ Amin'izay fotoana izay, rehefa afaka ny hiditra ao amin'izany fifanarahana amin'Andriamanitra izany ny Fiagonana, mandra-pahatongan'ny fampisehoana ny Mpampakatra ho voaseho ao amin'ny Ampakarina, satria ho lasa anankiray izy ireo! Oh, lesona lehibe iray toy ny inona. Eny àry.

⁹¹ Ankehitriny, tsarovy, ny fisainana ara-panahy dia maharay an'izany, afaka mahita an'ilay tandindona sy ara-tandindona, ka mandray an'izany. Ho an'ny anankiray, fotsiny, dia afaka hanohy ora maro isika eo amin'izany. Diniho izay miseho.

⁹² Ary nahoana isika no niandry an'ireo taona rehetra ireo, hatramin'izao fotoan'ny rano izao? Fantatrareo, ny Baiboly no miteny, fa, "Ny fiagonana dia nandositra tany an-

efitra, izay namahanana azy isam-potoana.” Ary nahoana no nisy izany rehetra izany? Fa isika... Hitanareo? Mbola ireo kodian’Andriamanitra ao amin’ireo kodia foana izany.

⁹³ Nahoana Andriamanitra no tsy nanao an’izany, hatramin’ny ela, rehefa nippetraka ireo lehilahy niaraka tamin’ny pensily, sy—sy ireo vehivavy, ka niezaka ny hanao sary fotsiny ny fotoana? Tahaka an’i Judge Rutherford sy ny maro amin’izy ireo, hoe, “Ho avy amin’ny ’14 Jesosy.” Ary—ary i Mother Shipton dia nanana an’izany tany alohan’izany, sy ny sisa, ary ireo fotoana rehetra ireo. Ary, hitanareo, rehefa mandeha amin’izany, amin’izay niezahan’izy ireo naka an-tsaina ny Soratra, hitanareo, dia nosimbain’izy ireo ilay izy. Nafenina izany. Nafenina tokoa izany. Ary ahoana no hahafahan’ny Soratra hanohitra ny Tenany, nefo Jesosy no niteny hoe, “Tsy misy olona mahafantatra ny minitra na ora”? Hitanareo? Hitanareo? Maka ambahany iray amin’ny Soratra fotsiny izy ireo dia mihazona an’Izany.

⁹⁴ Tsy maintsy maka an’ilay Zavatra iray manontolo ianareo. Amin’izay fotoana izay, raha ao amin’izany Andriamanitra, dia Andriamanitra no hampiseho an’izany ho ny Fahamarinana. Tahaka ny fanasitrana ny amin’Andriamanitra, raha tsy ny Fahamarinana izany, dia tsy ny Fahamarinana izy izany; tsy misy hidiran’Andriamanitra amin’izany. Fa raha Izy no mampiseho an’Izany ho ny Fahamarinana, dia ny Fahamarinana Izy izany. Tena tahaka an’i Jesosy...

⁹⁵ Hoy Andriamanitra hoe, “Raha misy anankiray eo anivonareo, izay mpaminany, na ara-panahy, dia Izaho no hiteny aminy. Ary izay lazainy dia misého, amin’izay fotoana izay dia henoy izany. Izay ilay izy. Fa raha diso ny faminaniany, amin’izay fotoana izay...” Tsy afaka ny ho diso Andriamanitra. Tsy manam-petra Izy, tsy mety diso, faratampon’ny hery, ka tsy afaka ny ho diso Izy. Noho izany, raha miteny ilay olona, dia izany no maneho an’ilay olona. Raha miteny ny teniny manokana izy, dia ho diso izany. Fa raha miteny ny Tenin’Andriamanitra izy, dia tsy mety diso izany, satria Andriamanitra miteny izany. Noho izany, ny tsindrimandriny dia avy tamin’Andriamanitra, ary izany dia ho... tsy maintsy ho marina mihitsy izany. Izany no fomba nolazain’Andriamanitra fa hitenenana azy. Izany no fomban’ny Bai-...

⁹⁶ Ao amin’ny Testamenta Taloha, dia hoy Izy hoe, “Raha miteny tsy araka ny lalàna sy ny mpaminany izy ireo, izany dia satria tsy misy Aina ao amin’izy ireo, tsy misy Hazavana ao amin’izy ireo.” Marina. Tsy maintsy miteny araka ny lalàna sy ny mpaminany izy ireo. Ary ny faminaniana iray, na zavatra hafa, dia tsy maintsy araka ny Teny. Raha tsy izany, dia diso ilay izy. Hitanareo?

⁹⁷ Ankehitriny, hitantsika fa izany rehetra izany no niseho, satria, niandry. Fifohazana: ireo Metodista, ireo Loterana,

ireo Batista, ireo Campbellites, ary—ary ireo samihafa rehetra. Nanana fifohazana lehibe izy ireo. Ireo Nazareana, Mpivahinin'ny Fahamasinana, Pentekotista, izy rehetra dia nanana fifohazana lehibe. Saingy tsy tonga ilay fifindrana lehibe. Nahoana? Andriamanitra dia niteny tamin'i Abrahama fa Izy no hihazona azy ao amin'ilay tany mihitsy tamin'izany, saingy ilay-ilay helok'ireo Amorita dia mbola tsy feno. Dia niandry Andriamanitra, naharitra. Ireo olona ireo, izay niezaka naka an-tsaina, afaka nahita ny Soratra izy ireo nifanaraka mihitsy tamin'ny zavatra anankiray. Nifanaraka tsara amin'ny zavatra anankiray, hoy izy ireo hoe, "Izao ilay andro. Izao ilay fotoana." Saingy diso amin'ny fahazoana ianareo fa ny helok'ireo Amorita dia mbola tsy tanteraka.

⁹⁸ Efajato taona izy ireo no nivahiny tany Egypta, ary nentina nivoaka. Saingy nijanona efapolo sy efajato taona tokoa izy ireo, noho ny fandavana an'ilay mpaminany. Tsy maintsy niharitra anankiray hafa izy ireo, teo amin'ny efapolo taona teo tany an-efitra, talohan'ny nitondran'Andriamanitra azy ireo hivoaka. Tany an-efitra efapolo taona i Mosesy talohan'ny niverenany hanafaka azy ireo, hitanareo. Efapolo taona amboniny, no lasa, satria dia nandà ny hafatra izy ireo.

⁹⁹ Ankehitriny, efapolo taona amin'ny fotoanan'Andriamanitra dia mety ho eo amin'ny iray minitra sy sasany eo, amin'ny fotoantsika. Izany ilay fahasamihafana lehibe. "Arivo taona dia indray andro fotsiny." Hitanareo? Tsy ho iray minitra akory aza izany, saiky. Mariho, eo amin'izany.

¹⁰⁰ Ankehitriny miha-tara isika. Nahoana? Naharitra Andriamanitra, niandry, nandinika. Namela an'ireo—ireo Loterana hitsangana ao amin'ny fifohazana iray, avy eo dia nifandrafitra. Namela an'ireo Metodista hitsangana ao amin'ny fifohazana; nifandrafitra. Namela an'i John Smith, ilay fiangonana Batista, hitsangana niaraka tamin'ny fifohazana lehibe iray; nifandrafitra. Namela an'ireo Pentekotista hitsangana niaraka tamin'ny famerenana an'ireo fanomezan-pahasoavana; nifandrafitra. Mandra-pahatongan'ny heloka ho feno tanteraka, amin'izay fotoana izay dia reraka Andriamanitra, avy eo dia tonga ny fifindrana anankiray.

¹⁰¹ Ary hitantsika izany, fa ny olona izy tenany ihany dia afaka miverina amin'ny fizotran'ny fotoana, fa voaozona ilay zavatra. Maka vongana iray izy ireo ary akanjo Babyloniana tsara iray, indray. Ary izany ilay zavatra izay mitondra ozona eo anivon'ny olona, rehefa miezaka ireo olona hanatsofoka ny heviny manokana mikasika an'ireo zavatra.

¹⁰² Tokony hijanona amin'ity Teny ity isika. Izany no didin'Andriamanitra, dia hoe, "Aza mikasika na inona na inona ao amin'io tanàna io, io tanàna voaozona io. Aza mikasika an'izany. Avelao izany hipetraka tsara."

¹⁰³ Ary nihevitra i Akana fa afaka maka an'io vongambolamena io izy ary miaina tsara mihitsy tahaka ny sisa amin'izao tontolo izao, sy akanjo Babyloniana tsara. Oh, tao amin'ireo Akana tao amin'ny toby! Hitanareo? Saingy voaozona ilay zavatra, ary mitohy voaozona foana izany. Efa voaozona hatrany amin'ilay tena Fivoriamben'i Nise aza izany, tany Nise, Roma, efa voazona hatramin'izany. Saingy navelan'Andriamanitra ho feno ny heloka, mandrapahatanteraky ny heloky ny Amorita.

¹⁰⁴ Ary ankehitriny ny olona rehetra manana fahazoana arapanahy, tsarovy, averiko tenenina, fahazoana *ara-panahy*, dia afaka mahita ianareo fa ny helok'ity firenena ity dia feno. Mifandrafitra izy dia mifandrafitra indray, ary mifandrafitra dia mifandrafitra. Ary ankehitriny dia miombona izy, ary mikambana amin'ny zavatra iray hafa. Feno ilay heloka. Fotoana ho an'ny fifindrana izao, fotoana ho an'ny antso hivoaka, ho any amin'ilay Tany nampanantenaina. Tsy hoe fampanantenana, handeha ho an'ny amin'ny firenena hafa iray fotsiny; fa Trano iray, ny Arivo taona, fotoana ho an'ny antso hivoaka iray. Ny helok'ity firenena ity (handona anankiray indray aho rahariva, raha sitraky ny Tompo) dia feno. Maloto izy.

¹⁰⁵ Hoy ianareo hoe, "Rahalahy Branham, ilay firenena izay iainanao ve?" Eny, tompoke. Izany tokoa. Hoy ianareo hoe, "Amin'ny maha-teratanin'i Etazonia, dia tsy tokony hiteny an'izany ianao." Raha izany, dia tsy tokony niantso ozona ho an'Isiraely izany i Elia, nefy izy dia Israelita tamin'izany. Ireo mpaminany sisa dia tsy tokony nanozona an'io firenena io mihitsy fa satria Israelita izy ireo.

¹⁰⁶ Fa niteny fotsiny izy ireo, tsy ny fisainany manokana, fa ny Tenin'ny Tompo. Hitanareo? Izany dia miankina amin'izay nisintonanareo ny tsindrimandrinareo. Izany dia miankina amin'ny hoe ahoana no nahatongavany. Raha mifanohitra amin'ny Teny ilay izy, dia avelao izany hipetraka tsara. Hanontany ny olona rehetra aho hanaporofa fa Izany dia mifanohitra amin'ny Teny.

¹⁰⁷ Tsy nilaza ve ny Baiboly, ao amin'ny Apokalypsy 13? Fa eo no miseho ity firenena ity. Ity firenena ity dia ao amin'ny isa telo ambin'ny folo, firenem-behivavy iray. Vehivavy izany, ao anatin'ny Baiboly. Vehivavy no eo amin'ny vola madinika antsika. Firenem-behivavy izany. Eo no miandoha ny fahalovan'ny vehivavy, manomboka, eo izy no mifarana. Nanomboka tany Edena ny fahalovana, tamin'ny tsy finoana ny Tenin'Andriamanitra. Eto izy no mikotrika an'ireo vehivavy mpitoriteny sy ny zavatra hafa. Ny loton'izao tontolo izao dia mivoaka avy ao Hollywood mihitsy, ilay firenena ratsy indrindra eto amin'izao tontolo izao; fisaraham-panambadiana betsaka, noho ny amin'ny sisa rehetra amin'izao tontolo izao mitambatra. Hitanareo? Nahoana? Hahita ianareo indray andro any, raha

sitraky ny Tompo. Ho hitanareo hoe nahoana, io zava-boaozona io. Ianareo dia afaka mahita an'ilay fanajamban'io karazana fisarahan-panambadiana izay apetrak'i Satana eo ambonin'ny mason'ny olona io. Ao anatin'ny ora iray mahatsiravina isika. Saiky efa antomotra ny fiafarantsika ankehitriny, mino aho. Lò izy ireo, lò hatrany amin'ny tsoka.

¹⁰⁸ Miseho ao amin'ny Apokalypsy 13 izy, isa telo ambin'ny folo. Ary tsarovy, fa mivoaka toy ny zanak'ondry iray izy, fahalalahany'ny fivavahana. Fa avy eo dia mandray fahefana avy amin'ilay bibidia; sary iray an'izany. Ary miteny amin'ny fahefana rehetra izy, ary manao an'ireo zavatra lò mitovy amin'izay nataon'ilay bibidia teo alohany. Koa lazao ahy àry fa tsy naminany an'ity firenena ity izany? Efa saiky masaka mihitsy ny toetran'ny Amorita, satria efa miasa ao amin'izany izy ireo.

¹⁰⁹ Ary na dia ny papantsika vaovao aza, ny tanjony lehibe indrindra dia ny hampiray ny rahalahy rehetra miaraka. Ary, amin'ny maso ara-nofo, dia izay ilay zavatra hatao. Saingy, eo amin'ny mason'Andriamanitra kosa, dia mifanohitra amin'ny Fanahy Masina izany. Tsy afaka mifangaro amin'izany isika. Ary ny fiangonana rehetra dia hantsoina ho ao amin'io fiombonambe io. Mivoaha amin'izany zavatra izany, haingana arak'izay vitanareo. Handray ny mariky ny bibidia ianareo, nefo tsy mahafantatra akory izay ataoñareo. Mivoaha amin'izany.

¹¹⁰ Manantena aho fa mahatakatra an'izany ny fisainana ara-panahy. Azoko antoka fa mahatakatra ianareo. Fa manontany tena aho, ny amin'ny any ivelany any. Na izany aza, tsy afaka mitsidika ny firenena rehetra ianareo. Afaka mandefa an'ireo horonam-peo any ianareo. Hanana lâlana iray Andriamanitra hahazo an'io fisainana any ivelany any io izay namafazana an'izao voa izao. Marina. Vantany vao mandona an'izany ilay Hazavana [Nitehaka tamin'ny tânany indray mandeha Rahalahy Branham—Mpand.], dia lasa ilay izy, mandray Aina. Tahaka an'ilay vehivavy kely teo amin'ny fantsakana, hoy izy hoe, "Ity ilay Izzy." Azony Izany.

¹¹¹ Mivoaha amin'io zavatra io. Voaozona izany. "Voaozona?" Lazao ahy hoe taiza no mba nisy anankiray lavo ka niarina indray. Lazao ahy hoe taiza no mba nisy anankiray niarina ka tsy lavo. Noho izany, dia afaka mahita ianareo fa ratsy io zavatra io. Eny àry.

¹¹² Tsy mbola feno ilay heloka, an'ireo Amorita, noho izany dia tsy maintsy nitaredretra sy niandry izy ireo mialohan'ilay fifindrana. Fa rehefa feno ny helok'ireo Amorita, amin'izay fotoana izay dia tonga ny fifindrana ara-panahy iray, na fifindrana ara-nofo, mba hitarika ny olona ho any amin'ny tany ara-nofo iray, izay nonenan'ny Amorita ara-nofo fahiny, izay nantsoiny hoe taniny.

¹¹³ Ary ny heloky ny anaram-piangonana Amorita dia niantso ny tenany hoe “ny Fianganana,” hatry ny ela, mandrapahatongan’ny helony ho tanteraka.

¹¹⁴ Ho tonga ny fifindrana anankiray, izay hanehoan’Andriamanitra hoe iza no iza; izay ilay Fianganana Izy tenany, ilay Ampakarin’i Jesosy Kristy, mihitsy no hafindra hivoaka, ho ao amin’ilay Tany izay nampanantenaina. “Ao an-Tranon’ny Raiko misy efitra maro, ao amin’izany toerana izany.” Tsy mila mandeha Any ianareo ka hiady tahaka ny nataon’izy ireo. Efa voavoatra Izany. Raha levona ity tabernaklan’ny tany ity, dia manana anankiray efa miandry isika, “Izay misy Ahy, no hisy anareo koa.” Antomotra ilay fifindrana lehibe!

¹¹⁵ Jereo hoe ahoana no nanaovan’Andriamanitra an’io fifindrana io, ahoana Izy...fiomanana inona no Nataony, ary diniho tsara iray minitra fotsiny, avy eo dia jereo izao andro izao. Eny àry. Mariho, talohan’ity fifindrana ity, “Nitsangana ny—ny farao iray izay tsy nahfantatra an’i Josefa.” Hitanareo? Farao iray izay tsy nahfantatra an’i Josefa. “Tsy nahfantatra an’i Josefa.” Naneho inona i Josefa? Ilay ampahany ara-panahy ao amin’ity fifindrana ara-panahy ity.

¹¹⁶ Misy mitsangana ankehitriny, “Malalaka izahay.” (“Ilay vehivavy dia novelomina andro iray, sy andro, ary antsasaky ny andro.”) Saingy farany dia nitsangana ny—ny Jos...na farao iray mpanao didy jadona izay tsy nahfantatra ny fahalalahany’ny fivavahana, nampiray azy ireo niaraka. Aza avela handalo anareo izany. Tonga ny fotoana izay nisy farao anankiray, aloha, izay tsy maintsy ho tonga.

¹¹⁷ Ary ireo rafi-pandaminana dia niaina finaritra, niaina tahaka ny taho iray natao grefy, tao amin’ilay tena voaloboky ny Kristianisma, saingy mbola nitondra an’ireo voany tany am-boalohany foana izany: ireo vehivavy, mitafy tapaka; ireo lehilahy, mahay, ary mandà ny herin’ny Fanahy. Saingy, niaina teo ambanin’ny anarana hoe fianganana Kristiana iray izany. Voaloboka natao grefy izany. Fa handalo ankehitriny ilay Mpamboly voaloboka handrantsana an’io voaloboka io, araka ny Nolazainy fa Hanao Izzy. Ireo rehetra izay tsy misy voa dia notapahina ary natsipy ao anaty afo ka levona.

¹¹⁸ Zavatra iray mampahatahotra ho lazaina izany, saingy ny Fahamarinana indraindray dia toa mampahatahotra. Tahaka ny vao avy nolazaina anareo, hoe ahoana no nampandalovan’Andriamanitra an’ireo Zanany tao amin’ireo rano lalina sy fasika miletsty sy ny sisa. Izany no Anaovany azy. Tsarovy, ny—ny vilany dia tsy maintsy vakiana ho potipotika, torotoro, silany kely mba ho lasirina sy ho totoina indray. Toy ny hoe zavatra anankiray mampahatahotra ny mandrava an’ilay izy, saingy tsy maintsy hatao izany, mba hahazoana vilany voavoatra indray, ilay vazy na inona na inona amboarinareo.

¹¹⁹ “Nisy farao iray izay nitsangana, izay tsy nahafantatra an'i Josefa.” Ary izany no fiandohan'ny fiandohana. Izany no fiandohan'ilay fifindrana. Ary rehefa manomboka maka endrika izany zavatra izany, eo ambanin'ny—ny hery politika iray, manomboka maka endrika, dia manomboka vonona Andriamanitra. Tanteraka ny helok'ireo Amorita. Tanteraka ilay fotoana izay Nampanantenainy an'i Abrahama, ary antomotra ny fotoan'ny fanafahana.

¹²⁰ Ary Andriamanitra no namela farao iray hitsangana, izay tsy nahafantatra an'i Josefa, ary teraka i Ramesesa. Ary taorian'i Seti no tonga i Ramesesa. Ary i Ramesesa dia ilay anankiray izay tsy nahafantatra an'ireo fitahian'i Josefa. Ary—ary izy tsy nahafantatra hoe inona ilay ampahany ara-panahy. Izy dia manam-pahaizana manokana ara-politika fotsiny, ka afaka naka an'i Etiopia sy ny firenena sisa rehetra, teo ambanin'ny hery ara-miaramila. Ary izay ihany no fantany, dia ny—ny hery ara-miaramila.

¹²¹ Ary heveriko, fa raha ara-panahy ny olona iray, dia afaka mahita an'izay miseho ankehitriny. Manana farao iray isika izay tsy mahafantatra ny fahalalahany'ny fivavahana. Rehefa nandray ny asany ny filohantsika, dia tsy nianiana ny amin'izany izy, hoe nino ny fahalalahany'ny fivavahana izy.

¹²² Ahoana ny amin'ilay indray andro rehefa nahazo an'io fanontaniana ny amin'ny fanavakahana io isika, tany Atsimo? Rehefa ilay governoran'i—i Alabama... Maniry aho ny hahafahako miresaka amin'ilay mpitoriteny, ilay Martin Luther King. Ahoana no nahatonga an'ilay lehilahy ho mpitarika iray, ary nitarika ny olona tao amin'ilay fandrika mahafaty? Raha andevo ireo olona ireo, dia ho any aho, hanala ny palitaoko, hiady ho an'ireo olona ireo. Tsy andevo izy ireo. Teratany izy ireo. Teratanin'ny firenena izy ireo. Ilay fanontaniana ny amin'ny “fandehanana an-tsekoly.”

¹²³ Ireo olona ireo, raha nanana fo mafy izy ireo ka tsy nahafantatra an'ireo zavatra ireo. Ianareo dia tsy afaka mampiditra amin'ny olona, an'ireo zavatra ara-panahy, izay itsakitsahan'ireo hery ara-politika. Tokony hanaiky an'izany izy ireo, hateraka indray, amin'izay fotoana izay izy ireo vao hahita an'ireo zavatra ireo.

¹²⁴ Fa, ity lehilahy ity, raha afaka niresaka taminy fotsiny aho; notarihiny ireo olona sarobidy ireo, teo ambanin'ny anaram-pivavahana, tao amin'ny fandrika mahafaty iray izay hamonoany an'alalininy amin'izy ireo! Izy ireo tsy... Izy ireo dia nahazo fotsiny an'ilay—ilay lafiny ara-nofo.

¹²⁵ Ity lehilahy ity, ilay rahalahy maity hoditra, rehefa tonga tao Louisiana ilay fihetsiketsehana lehibe, tany aho tamin'io fotoana io. Rehefa ny... Nisy mpitoriteny maity hoditra iray, rahalahy antitra sarobidy iray, nitsangana teo ary nilaza,

nanontany an'ilay milisy hoe, "Afaka miresaka amin'izy ireo ve aho? Vahoakako izy ireo." Ary nitsangana io mpitoriteny antitra io, tany, nanao hoe, "Te-hilaza aho, izao maraina izao, fa tsy menatra ny amin'ny volon-koditro mihitsy aho. Ilay Mpanao ahy no nanao ahy amin'izay maha-izy ahy."

¹²⁶ Izany no fomba Tiany hihazonany. Izany no fomba tiany hihazonan'ny olona rehetra. Nanao ny voninkazo fotsy Izy, sy voninkazo manga, ary ny lokom-boninkazo rehetra. Aza ampiharoharoana izy ireny. Aza ampivadiana izy ireny. Manohitra ny natiora ianareo.

¹²⁷ Hoy izy hoe, "Tsy menatra ny amin'ny volon-koditro mihitsy aho, hatramin'ity maraina ity." Hoy izy hoe, "Rehefa mahita ny oloko mitroatra aho ka manao an'ireo zavatra izay ataony ankehitriny," hoy izy, "dia izany no mahamenatra ahy amin'izy ireo." O Andriamanitra, tahio izany feo izany. Hoy izy hoe, "Hiteraka korontana fotsiny ianareo." Hoy izy, "Jereo ireo sekoly eto. Raha tsy nanana sekoly isika," hoy izy, "dia ho hafa izany. Saingy iza no manana ny sekoly tsara indrindra eto Louisiana eto?" Hoy izy, "Ndao alaintsika, ohatra, ny tanànantsika, Shreveport." Hoy izy, "Misy sekolin'ny fotsy anankiray any, ilay sekoly tranainy izany. Nanorina anankiray hafa ho antsika izy ireo. Tsy manana fitaovana anankiray izy ireo, kilalao anankiray ho an'ireo ankizy. Isika manana tokontany iray feno. Ary ankoatr'izany, dia nanorina ho antsika dobo filomanosana iray lehibe, goavana, tamin'ny vatofootsy ho an'ireo zanatsika izy ireo. Ary isika no manana ny tsara indrindra amin'ireo mpampianatra izay azo nananana." Hoy izy, "Nahoana ianareo no te-handeha any, nefo isika manana ny tsaratsara kokoa eto? Inona no manjo anareo?" hoy izy.

¹²⁸ Ary ireo olona ireo, hoy izy ireo, "Rah!" Novonoin'izy ireo ilay feo. Eo ianareo izao, hitanareo, tsindrimandry ratsy.

¹²⁹ Efa andevo ireo olona ireo. Rahalahiko sy anabaviko izy ireo. Raha andevo izy ireo, dia hilaza aho hoe, "Ndao isika hikambana amin'izy ireo fotsiny ka hidina an-dàlambe ary hanohitra an'izany zavatra izany." Tsy andevo izy ireo. Teratany izy ireo miaraka amin'ny zò mitovy amin'izay ananan'ny olona hafa rehetra. Andiana tsindrimandry iray avy any amin'ny helo fotsiny izany, mba hanao ny iray tapitrisa amin'izy ireo ho vonoina. Nanomboka tolom-piavotana anankiray izy ireo. Izany tokoa, izany no izy. Tsy tsara izany.

¹³⁰ Ireo lehilahy sy vehivavy dia manana ny zony manokana. Ireo rahalahintsika mainty hoditra, sy ireo Japone antsika, ary ireo mavo, fotsy, mainty, na inona izy ireo na inona, dia tsy misy fahasamihafana eo amin'ny volon-koditro'izy ireo, amin'Andriamanitra. Avy amin'ny lehilahy anankiray isika rehetra, Adama. Fa raha Andriamanitra no nanasaraka antsika ary namadika antsika ho samy hafa loko, dia ndao isika hijanona

amin'izany. Raha izaho no—no lehilahy mavo iray, dia te-hijanona ho Japone iray aho, na Sinoa iray. Raha izaho no—no—no lehilahy mainty hoditra iray, dia te-hijanona amin'izany aho. Andriamanitra no nanao ahy ho toy izany.

¹³¹ Am-pahatsorana, misy zavatra betsaka mikasika ny mainty firazanana izay tokony hananan'ny fotsy firazanana. Tsy tokony hanana ahiahy izy ireo. Ara-panahy bebe kokoa izy ireo. Misy zavatra an'arivony mikasika azy ireny izay tsy azon'ny olona fotsy kasihana akory aza. Andriamanitra no nanao azy ireo ho toy izany.

¹³² Iza no mba mahay mihira noho ny antoko mpihira mainty hoditra? Aiza no hahitanareo an'ireny feo ireny? Efa nahita azy ireny avy tany amin'ny tany lavitra tany aho, tsy fantany akory hoe iza, no tānana havanana sy havia. Foko telopolo na efapolo karazana samihafa avy amin'izy ireo, ary nihira tamin'ny toerana iray izy ireo, nitsangana teo ireo mpampianatra, nanao hoe, "Tsy afaka mikasika an'izany mihitys aho." Nanofana antoko mpihira nandrity ny taona maro izy, ka ny anankiray ho bān-kira ambony, sy ambany, sy ny sisa. Hoy izy, "Henoy izany, tena tsara tanteraka, na dia ao amin'ny fiteny samihafa aza." Manan-talenta izy ireo.

¹³³ Saingy, hitanareo, ireo zavatra rehetra ireo dia tsy maintsy mitranga, ny rehetra noho ny mpanao politika anankiray izay nofidianareo vahoaka tamin'ny milinareo efa voahodina.

¹³⁴ Ary indray andro, rehefa nitsangana teo io governora io, nianiana ary voafidy ho an'io asa io, tamin'ny alàlan'ny vahoaka, ary ilay fanontaniana ny amin'ny fanavakavahana araka ny lalàm-panorenana dia, hoe ny—ny fanjakana tsirairay dia mahazo mandray ny fisainany manokana mikasika an'izany. Tsy niraharaha izy, fa novakiany ilay lalàm-panorenana, nanao hoe, "Ankehitriny, ny sekoly dia manohana ny fanavakavahana." Nanana sekoly iray izy ireo tany. Ary ankizy mainty hoditra roa ihany no te-hiditra tao amin'io sekoly io, nefo nanana ny kolejiny manokana izy ireo. Fa nitsangana izy ary nanao hoe, "Ahoana?" Namaky an'ilay lalàm-panorenana mihitys aza izy.

¹³⁵ Koa mba hiverenana eto amin'ity lehilahy izay ananantsika eto ity, ilay tsy nahafantatra an'i Josefa, ny fahalalahana. Nosintoniny ireo fifidianan'ny mainty hoditra, tsy nahafantatra fa ny antoko repoblikana no nanafaka azy ireo, tamin'ny voalohany. Namidiny ireo fizokiany, tamin'ny zavatra iray tahaka an'izany, mba hitarika azy ireo ho ao amin'ilay fandrika mahafaty, mba hanehoana fa ny rafitra nataon'olona rehetra dia tsy maintsy mianjera. Tena marina. Ary Atoa. Kennedy no nanao an'ilay mpiambina ho ara-panjakana, ka naniraka an'ireo lehilahy ireo hiverina avy hatrany hiatrika an'ireo rainy manokana nijoro tany teo ambanin'ilay lalàm-panorenana. Izany no namotika indray an'ilay lalàm-panorenana.

¹³⁶ Hoy izy ireo, “Tsy hiady izahay. Tsia, tompoko.” Dia hoy izy, “Antenaiko fa ny firenena dia afaka mahita fa tsy miaina eo ambanin’ny demokrasia intsony isika, fa eo ambanin’ny didy jadona ara-miaramila.”

¹³⁷ Fantatrareo ilay fiteny fahiny hoe, “Vantany vao demokratty tatsimo, dia izay foana.” Tsy fantattro ankehitriny. Ah-hah. Azo antoka fa ny olona iray dia hanana fisainana tsara mba hifoha amin’ny zavatra anankiray. Hitanareo? Avelao hipetraka tsara ireo olona sarobidy ireo. Aza vonoina izy ireo, any.

¹³⁸ Tahaka an’ity tovolahy iray nitifitra an’ilay rahalahy tao andamosina, indray hariva, tamin’ilay basy, ka ireo zanany kely sy ny vadiny dia tao an-trano. Tsy ahoako na iza izy na iza, ambany sy ratsy izany. Eny, tompoko. Te-ho mpitsara eo amin’izany raharaha izany aho, indray mandeha. Ah-hah. Ah-hah. Mitifitra an’ilay lehilahy, handeha hody ho any amin’ny vadiny sy ny zanany. Teratany iray izy, manana zo ny hanohana an’izay heveriny ho marina, lehilahy tsara iray. Ny sary tao amin’ny *Life* magazina, ilay zazalahy kely nitomany an’ny dadany. Ary jiolahimboto iray teo, no nitifitra azy tao amin’ny lamosina, tao amin’ny otrika iray.

¹³⁹ Izany no azonareo rehefa mandà an’i Kristy ianareo. Marina izany. Izany no tsy maintsy hisy ny firenena manontolo, ny rehetra eo ambanin’ny politika. Tena henatra izany, saingy izany no nilaintsika. Noporofointsika izany tao amin’izao fifidianana izao.

¹⁴⁰ Ny zanako lahy kely no niteny tamiko, izao maraina izao hoe, “Dada, ireo razana mpivahiny, rehefa tonga teto izy ireo, izy rehetra ve dia nikambana tamin’ity anaram-piagonana iray ity? Izy rehetra ve . . .” Hoy izy, “Nanana palitao be ve izy ireo?”

¹⁴¹ Hoy aho hoe, “Tsia, malala. Tonga teto izy ireo ho an’ny fahalalahana’ny fivavahana. Izany no nahatongavan’izy ireo teto, mba hivoaka avy ao amin’ny karazan-javatra tahaka an’izany.” Hitanareo ve hoe aiza ilay izy ankehitriny? Izany no maneho fa ny fanjakana rehetra dia tsy maintsy mianjera.

Tsy maintsy mandeha haingana aho.

¹⁴² Zavatra anankiray, mivavaka aho mba hifoha haingana tokoa io Rahalahy Martin Luther King io. Tia ny vahoakany izy; tsy misy fisalasalana izany. Saingy raha mba hitany fotsiny hoe aiza ilay tsindrimandriny. Inona moa ny soa ho azo raha nandeha tany an-tsekoly ianareo, nefy ny iray tapitrisa aminareo dia mandry any, maty? Izany ve tsy ho, ny mandeha any an-tsekoly, zavatra mitovy fotsiny? Ankehitriny, ho-ho an’ny hanoanana, raha ho an’ny zavatra hafa anankiray ilay izy, andevo, dia ho lasa maritiora iray ilay lehilahy mba hanome ny ainy ho an’izany antony izany, antony mendrika, ary izany dia ho antony mendrika iray. Fa ny hoe handehanana any an-tsekoly fotsiny, izaho—izaho tsy mahita an’izany. Hitanareo? Tsy mihevitra aho

fa ny Fanahy Masina dia hiombon-kevitra aminy, mihitsy, eo amin'izany. Izany dia mitarika ny olona rehetra hikorontana, ao anatin'ny andiana propagandy anankiray, hitanareo.

¹⁴³ Tena—tena tahaka ny nataon'i Hitler mihitsy, tany Alemania, nitarika azy ireo tao anatin'ny fandrika mahafaty, ireo Alemana sarobidy ireo. Ary nametraka lavitrisa, na antapitrisansy izy ireo, nampifampitaingenana tany.

¹⁴⁴ Ary izany ilay zavatra mitovy. Ary tsarovy, raisim-peo aho. Ho hitanareo izany, aoriane, angamba aorian'ny hahalasanako. Izany tanteraka mihitsy no hitranga. Ho faty any ireo olona sarobidy ireo, tahaka ny lalitra. Nanomboka tolom-piavotana anankiray, hiady indray na ny fotsy na ny mainty hoditra, ary ho faty tahaka ny lalitra. Ary inona no azonareo rehefa mifarana izany rehetra izany? Andian'olona maty.

¹⁴⁵ “Fa nisy farao iray nitsangana izay tsy nahafantatra an'i Josefa.” Ilay zavatra mitovy amin'izao andro izao, nitsangana ny lehilahy iray ary nanao ny fianianany ao amin’ny—ao amin’ny White House, izay tsy hianiana amin’ny fianianany, tsy hanao ny fianianany fa hino ny fahalalahana’ny fivavahana izy.

¹⁴⁶ Inona no lazain'io papa vaovao io? Ny anankiray... Zavatra efatra no ananany. Ny anankiray amin'izy ireo, dia ny hampiray ny Protestanta sy ny Katolika miaraka. Ary ho an'ny olona mahay rehetra, dia izany ilay zavatra hatao. Saingy araka ny Baiboly, dia izany no zavatra ratsy hatao. Ary ny Baiboly no nilaza fa hataon'izy ireo izany.

¹⁴⁷ Ndaو isika handeha lavidavitra kely. Tamin'io fotoana io, Ramesesa, tany Egypta, dia nitombo. Nitombo ny fahefany. Ilay olona ara-nofo, Ramesesa, dia nitombo.

¹⁴⁸ Ilay lehilahy ara-nofo, ilay antikristy, dia mitombo ankehitriny. Amin'ny alàlan'ny politika, dia efa ao amin'ny White House izy. Ao amin'ny fivavahana, dia nataony tena misalasala ny olona rehetra, hany ka lavo tamin'izany tokoa izy ireo. Ary ireo mpitarika anaram-piagonana, araka ny hita dia ny fiagonana rehetra izay misy ao amin'ny firenena, dia efa ao anatin'ilay fiombonam-ben'ny fiagonana. Mitombo i Ramesesa. Ary miaraka miray izy rehetra, ary izany no ho azon'izy ireo. Ary inona no ataon'izany? Manao hery iray izany, bibidia iray tahaka an'ilay voalohany.

¹⁴⁹ Avy eo dia misy fanenjehana iray tonga eo amin'izay rehetra tsy hiray amin'izany, ary fanilihana iray. Ho tara loatra amin'izay fotoana izay. Efa naharay an'ilay marika ianareo. Aza manao hoe, “Amin'izay fotoana izay aho vao hanao an'ilay izy.” Tsaratsara kokoa ho anareo ny manao an'ilay izy ankehitriny. Nitombo i Ramesesa.

¹⁵⁰ Saingy tsarovy, raha mbola nitombo tao amin'ny fahefana i Ramesesa, tany Egypta, dia nanana an'i Mosesy Andriamanitra tany an-efitra. Izy dia nitombo, ihany koa. Ramesesa nanana

rafitra ara-politika iray. Andriamanitra nanana rafitra ara-panahy iray, teo ambanin'ny mpaminany anankiray, vonona ny handeha hidina, hiresaka amin'ny vahoaka.

¹⁵¹ Samy mitombo indray izy roa ireo. Ho fampisehoan-kery iray izany, indray andro any. Tsy ho lavitra intsony ilay fotoana izay hisian'ny fampisehoan-kery iray. Tahaka an'ilay ara-nofo... Araka ny lazain'ny Soratra hoe, "Ny ara-nofo dia tandindon'ny ara-panahy." Tsy afaka miala lavitra an'izany ianareo. Io izy io. Eo anoloan'ny masonareo mihitsy izany. Izany no Fahamarinana. Jereo ilay Fiagonana ankehitriny, nantsoina hivoaka, tonga eo amin'ny fahefana. Midina ny Fanahy Masina, voambara ireo zava-miafina an'Andriamanitra ary voapetraka ao amin'ny lamina. Hitanareo? Ary eto mihitsy, dia efa ao amin'ny White House izy. Ary manakambana ny Tenany miaraka ilay Fiagonana, amena, tsy anaram-piagonana iray; avy ao amin'ny famatoran'ireo heloka, lavitra an'ireo Amorita, vahoaka iray izay afaka. Oh!

¹⁵² Nanana an'i Mosesy Andriamanitra, ilay ho Mpaminaniny. Na dia efa naminany aza izy, ary izany no nanaporofa marina izy, dia mbola tany amin'ny sekolin'ny an-efitra izy, niafina lavitra an'ny sisa rehetra amin'izao tontolo izao. Fa izy dia nampianarina, nofanina, tany an-efitra.

¹⁵³ Ireo fahavallo dia hanolotra, foana, ny rafiny. Ary ny tsy finoana no hanaiky an'izany, satria ny fahavallo dia famantarana ara-tsaina.

¹⁵⁴ Ankehitriny, tsarovy, anankiroa ihany no misy. Aza adino izao. Hery anankiroa ihany no misy. Ny anankiray dia ny hery ara-panahy, an'ny Fanahy Masina. Ilay anankiray hafa dia ny devoly, miasa amin'ny alàlan'ny hery ara-tsaina. Satria, teo amin'izany no nidirany, tao amin'ny sahan'i Edena, tamin'ny alàlan'ireo hery ara-tsaina, mba hanao an'i Eva hino ny fiheverana ara-tsaina, manohitra ny Teny. Tena mazava araka ny tokony ho izy, ireo ankizy dia afaka mahazo an'izany. Hitanareo? Hitanareo? Ary izany ilay fomba naha-izy azy, hatramin'izay.

¹⁵⁵ Indro izy, ao Egypta, izao maraina izao. Misy hery ara-tsaina iray izay miasa ao amin'i Ramesesa, mitondra azy ho eo amin'ny fahefana. Ary mampakatra azy, izay tsy mahafantatra ny fahalahalhana hamela an'izay nataon'i Josefa, an'izay nataon'ny fiagonana tany am-piandohana.

¹⁵⁶ Ary ankehitriny isika dia mahita an'ilay zavatra mitovy, hery ara-tsaina iray mampitambatra eo anivon'ny fiagonana, ary izany dia hiakatra ho eo amin'ny loha ara-pivavahana iray izay tsy miraharaha an'izay nolazain'ny Baiboly. Manana ny rafiny manokana izy ireo. Tsy izay nolazain'ny Baiboly no izy. Izay nolazain'ny fiagonana no izy. Ary ireo Protestanta dia nitambatra mihitsy tamin'izany, hany ka ireo vondrony kely

rehetra, tahaka an'ity, "Eny, azo antoka. Eny, fantatro fa milaza an'Izao Izzy, saingy lazaiko anao, fa efa lasa ireo andro ireo."

¹⁵⁷ "Endriky ny toe-panahy araka an'Andriamanitra, nefà mandà ny hery." Manondro mahitsy an'izany ny Soratra rehetra ao amin'ny Baiboly.

¹⁵⁸ Ankehitriny dia hitanareo hoe nahoana aho no te-handray feo an'izao ka handefa azy any amin'ny olona. Tonga ny ora. Tsy maintsy ampahafantarina ny Fahamarinana. Antomotra ilay fifindrana. Hitanareo?

¹⁵⁹ Ilay—ilay ampahany ara-tsaina dia toy ny hoe tanteraka. Ary tanteraka ilay izy, izany tokoa izy; saingy, tanteraka, ilay tsindrimandrin'i Satana.

¹⁶⁰ Ary avy eo, hatramin'ny farany, io, ity Ramesesa mahay ity dia nitombo ary tonga teo amin'ny sezà fiandrianana. Ary tsarovy, fa notezaina ho toy ny mpirahalahy amin'i Mosesy izy, hitanareo, mpirahalahy amin'i Mosesy. Ny anankiray amin'izy ireo dia tsy maintsy naka an'ilay sezà ara-tsaina, tena tahaka an'i Josefa teo amin'ireo rahalahiny. Ary inona no nataon'izy ireo tamin'ilay Josefa kely? Nanilika azy avy tamin'ny Teny. Ny Teny dia Andriamanitra. Ary nahilik'izy ireo ny Teny, ka nanaiky fanekek-pinoana iray. Ary ankehitriny dia nitombo ho fahefana ilay fanekek-pinoana.

¹⁶¹ O Andriamanitra, avelao ny olona hahita an'izany! Ahoana no hahafahako mampiasa feo betsaka? Ahoana no hahafahako hanao an'izany ho mazava kokoa amin'ny alàlan'ny Soratra, eo ambanin'ny tsindrimandrin'ny Fanahy Masina, fa eo isika izao?

¹⁶² "Oh," hoy ianareo, "eny, ankehitriny, raha avy amin'i Papa John izany, na i Papa *Ranona-sy-ranona*, na i Eveka *Ranona-sy-ranona!*"

Hitanareo ve fa Andriamanitra dia naka mpitoetra an-efitra kely iray, tsy misy dikany?

Hoy ianareo, "Ahoana no nahatonga azy rehetra ho diso?"

¹⁶³ Mifanaraka amin'ny isam-batan'olona iray Andriamanitra, fa tsy amin'ny vondrona. Amin'ny isam-batan'olona; Andriamanitra manomana ny Azy—ny Azy, manomana ny Azy. Ny zavatra tokana Nilainy hananana dia lehilahy anankiray izay Azony hiasana. Izay ihany no Ilainy dia lehilahy anankiray. Niezaka ny hahazo azy ireny Izzy, nandritry ny taona rehetra. Raha afaka mahazo lehilahy anankiray Izzy! Nahazo lehilahy anankiray Izzy tamin'ny andron'i Noa! Lehilahy anankiray tamin'ny andron'i Elia! Lehilahy anankiray tamin'ny andron'i Jaona Mpamao-batisa. Lehilahy anankiray fotsiny ihany no Ilainy. Tamin'ny andron'ireo mpitsara, dia niezaka Izzy ny hahazo lehilahy anankiray, Samsona, nanome azy hery lehibe, saingy namidiny tamin'ny vehivavy iray izany ary jamba izy.

Ny mpitsara izany; fa tsy tena izy. Andriamanitra no Mpitsara. Hitanareo?

¹⁶⁴ Hitanareo, amin'izao andro izao, dia miezaka Izy ny hahazo lehilahy anankiray izay Azony hatao eo an-Tànnany, izay hilaza ny Fahamarinana, izay tsy hatahotra amin'izany, izay tsy hisintona ny totohondriny, izay tsy ara-dogma; lehilahy anankiray izay Azony hazonina eo an-Tànnany ka haneho ny Teniny ho velona, ary haneho ny Tenany ho velona. Mino aho fa efa afaka manomana an'izany olona izany Izy. Mino aho. Mino an'izany aho. Izaho fotsiny dia . . . mino betsaka ny Baiboly, mba hino fa afaka mahazo an'izany Izy, marina izany, izay hilaza ny Fahamarinana.

¹⁶⁵ Afaka kelikely, dia mahita isika, rehefaavy nitety an'ireo sekoly rehetra ireo izy. Ankehitriny diniho. Nanolotra zavatra anankiray ilay fahavaloh, ilay fisainana ara-tsaina, satria ny fahavaloh dia miasa eo amin'ireo mahay. Ary ny saina dia hipetraka sy handanjalanja an'ilay izy, ka hanao hoe, "Ankehitriny, andraso iray minitra fotsiny. Tsy izany io, fa ny favoriambe iray . . ."

¹⁶⁶ Niresaka tamin'ny lehilahy iray aho indray andro, ary hoy izy hoe, "Jereo, ry Billy!" Miasa ho an'ny Public Service Company izy, lehilahy mahafinaritra. Ary hoy izy hoe, "Te-hanontany zavatra anankiray aminao aho." Hoy izy, "Irlandais ianao."

Hoy aho hoe, "Eny, tompoko." Hoy aho, "Menatra kely ny amin'izany aho, saingy, kanefa, dia izy aho."

¹⁶⁷ Dia hoy izy hoe, "Eny," hoy izy, "tsy fantatrao ve fa ianao dia tena, tena tokony ho Katolika?"

¹⁶⁸ Hoy aho hoe, "Izaho dia ilay katolika tany am-boalohany." Fantatrareo, ny Fiagonana voalohany dia ny Fiagonana katolika.

¹⁶⁹ Hitanareo ve hoe aiza no misy azy, amin'izao andro izao? Nanomboka tamin'ny Pentekosta izy, saingy ilay rafipandaminana no nametraka azy ao amin'izay misy azy ankehitriny. Jereo, ary niverina avy hatrany ny Pentekosta ka nifandrafitra, nanao an'ilay zavatra nataon'ilay fiagonana Katolika voalohany. Ary izy ireo dia saiky mbola lavitra ankehitriny noho ny, noho ny nisy azy ireo tany amin'ny roa arivo taona. Ary dimampolo taona no nitondra azy ireo saiky ho eo amin'izany. Hitanareo?

¹⁷⁰ Hoy izy hoe, "Tsy mino ve ianao fa rehefa ny vondron'ny fisainana ekiomenika iray," eo ianareo izao, "no mamestraka miaraka sy mandanjalanja zavatra iray, dia afaka manaiky ny vondrona iray manontolo, tsy mihevitra ve ianao fa izy ireo dia ho anankiray kely fotsiny . . . Satria, tonga nihaino anao nitory teny aho," hoy izy, "saingy tsy miombon-kevitra aminao aho."

¹⁷¹ Hoy aho hoe, “Ny fomba tokana izay hahafahanao manaporofa fa tsy miombon-kevitra ianao ara-lojika, dia porofoy amin’ny alàlan’ny Baiboly izany.”

Hoy izy hoe, “Tsy misy idiran’ny Baiboly amin’izany.”

¹⁷² Hoy aho hoe, “Aminao, dia mety tsy misy Izany. Fa, amiko, dia misy Idirany daholo izany. Hitancareo, ny Teny Izany.”

¹⁷³ Dia hoy izy hoe, “Tsy mihevitra ve ianao fa ny andian’ny fisainana ekiomenika iray mipetraka miaraka, dia mety ho marina kokoa, ary mety ho azo antoka fa marina, noho ny olona kely anankiray fotsiny, tsy nianatra tahaka ny tenanao?” Hoy aho hoe . . . “Eny,” hoy izy, “inona no zò anananao hilazana zavatra iray manohitra an’ilay ev- . . . na manohitra ny—ny fiangonanay? Fa, efa nisy izany, nandrity ny taona rehetra, rehefa nanana ny favoriamben’ny fiangonana voalohany izy ireo, araka ny nolazainao, tany indray hariva, nandre an’izany izahay, ireo taonan’ny fiangonana, ny amin’ilay favoriamben’ny fiangonana Katolika Romana.” Hoy izy, “Tsy fantatrao ve fa nisy olona an’arivony, fanahy, lehilahy nirahin’Andriamanitra nipay tsy mihitsy azy mamokatra tahaka an’izay nataon’ilay Fiangonana voalohany tamin’izany fotoana izany. Aoka isika hahita azy mamokatra an’ireo zavatra izay nataon’izy ireo tany amin’ny voalohany. Fa, ny Baiboly mihitsy aza no milaza, fa, ‘Tsy hisy anankiray kely mihitsy aza na tendron-tsoratra anankiray ho diso avy ao amin’Izany.’ Ary hoy Izany hoe, ‘Na iza na iza manaisotra Teny anankiray avy ao amin’Ity, na manampy teny anankiray amin’Izany, dia hesorina ny anjarany,’ na favoriamben’ny ekiomenika izy na inona izy na inona, ‘ao amin’ny Bokin’ny Fiaianana.’ Vita ny aminy.”

Hoy izy, “Ry Billy, very saina fotsiny ianao.”

¹⁷⁴ Dia hoy aho hoe, “Avy eo, neveriko fa, indray mandeha tao anatin’ny fahamboniana lehibe an’ny Isiraely, rehefa nisaraka izy ireo tahaka ny ataon’ny Protestanta sy ny Katolika amin’izao andro izao, dia te-hijanona ho Isiraely ny Isiraely.” Fa hoy aho hoe, “Hitantsika fa nanana mpanjaka iray izy ireo nantsoina hoe Josafata, lehilahy marina iray izay niezaka nitandrina ny—ny—ny lalàñ’Andriamanitra. Saingy nanana anankiray hafa izy ireo teo nantsoina hoe Ahaba, izay nanambady vehivavy iray, mpanao politika, niezaka ny hisakaiza amin’ny firenena hafa iray, ary nanambady ny iray

tamin'ireo zanakavaviny, Jezebela, ary nampiditra azy, ihany koa, teo anivon'ny vahoakan'Andriamanitra." Zavatra mitovy amin'izay ataontsika, sy ampidirintsika. "Ary lasa mpanapaka iray izy; manao an'i Ahaba hiteny an'ity, ary manao an'i Ahaba hiteny an'itsy." Zavatra mitovy amin'izay atao'n'izy ireo ankehitriny. Dia hoy aho hoe, "Tonga ilay fampisehoan-kery."

¹⁷⁶ Te-hampiray an'ireo fiangonana anankiroa miaraka izy ireo, tahaka an'izay ezahan'izy ireo atao ankehitriny. Ary—ary ho an'i Ahaba... Ary na dia ilay Josafata aza, ilay olon'ny rafipandaminana, dia nanao hoe, "Eny. Ho tsara izany. Ny olonao no oloko. Kristiana isika rehetra. Mpino isika rehetra. Ndao isika hitambatra." Fa rehefa tonga teo amin'ilay fampisehoan-kery izy, dia hoy izy hoe, "Tsy mihevitra ve ianao fa tokony handeha hivavaka isika mikasika an'io? Tokony hanontany ny Tompo isika."

Dia hoy izy hoe, "Eny," hoy i Ahaba.

Noho izany dia hoy izy hoe, "Ho lazaiko anao hoe inona. Ndao isika hitady an'ilay mpaminanin'ny Tompo."

¹⁷⁷ Fa, hitanareo, nanana rafitra iray i Ahaba izay noheveriny fa avy tamin'ny Tompo. Hoy izy hoe, "Manana efajato amin'izy ireo aho, nianatra sy voahofana." Ary milaza ho mpaminany Hebreo izy ireo, tahaka ny ataon'ireo vondron'ny mpitoriteny amin'izao andro izao.

¹⁷⁸ Dia nentiny izy ireo, ary nametrahana fanontaniana iray izy ireo mikasika ny—ny fiafarany'ny ady. Ary ny tsirairay tamin'izy ireo dia nitambatra sy niray, tena tahaka ny ataon'ny favoriambe ekiomenika amin'izao andro izao, ary dia tonga izy ireo niaraka tamin'ilay fanontaniana. "Miakara. Momba anao ny Tompo, fa antsika marina tokoa io tany io. Ary atoseho ireo Syriana hivoaka avy ao, na ireo Filistiana. Atoseho izy ireo, satria antsika ny tany." Toa ohatry ny hoe tena marina izany. Hitanareo?

¹⁷⁹ Saingy, kanefa, tao ambanin'ny fon'i Josafata tao, dia toa tsy marina izany. Hoy izy hoe, "Fantatro fa manana mpitoriteny ekiomenika efajato tsara hofana ianao eo. Ary izy rehetra dia iray saina, hany ka nanao tandroka vy mihitsy aza izy ireo ka nanao hoe, 'HOY NY TOMPO HOE.' Saingy afaka mitady anankiray hafa fotsiny ve isika?"

¹⁸⁰ Hoy izy hoe, "Aoka ny mpanjaka tsy hiteny toy izany," hoy ilay politisiana. "Aoka ny mpanjaka tsy hiteny toy izany, satria ireo lehilahy ireo dia lehilahy tsara hofana. Izaho no nanofana azy ireo, ny tenako." Izay ilay izy. Hitanareo? Izay ilay izy. "Izaho no nanofana an'ireo lehilahy ireo. Fa, mbola misy anankiray, saingy halako izy." Hitanareo? Hoy izy, "Mikaia izany, zanak'i Jimla, saingy," hoy izy, "halako izy. Tsy misy afa-tsy jiolahimboto anankiray fotsiny izy eo anivon'izy ireo. Mikiakiaka azy ireo foana izy. Milaza amiko foana izy fa hoe

diso aho. Jereo ny fanjakako.” Hia, jereo ilay izy, jereo ilay loto izay misy azy.

¹⁸¹ Jereo ny anaram-piangonanareo, amin’izao andro izao, “Manana ny endriky ny toe-panahy araka an’Andriamanitra nefà mandà ny heriny.” Hitanareo? Oh, mety mihoatra ny iray tapitrisa angamba ianareo, sy mihoatra ny an’arivony, ary lehilahy voahofana tsara, saingy aiza ho aiza ianareo ao amin’ny Fanahy? Aiza ho aiza no misy ny herinareo, izay tao amin’i Samsona, rehefa nitsangana tany izy, tahaka ny nolazaiko indray andro? Miaraka amin’ny rafi-tranony lehibe rehetra tany, sy ny tsiratsiraka rehetra ao anatiny ao, saingy tsy misy Aina ao anatiny. Nandao azy ny Fanahy. Tsy misy mpamonyj izy. Zaza kely iray no nitarika azy teo; ny maso jamba, nohon’ny vehivavy iray. Mitovy amin’ny fiangonana, amin’izao andro izao, tarihin’ny politika, eveka, loholona, sy ireo karazan-javatra rehetra. Ireo lehilahy mitady laza, mba hahazoana zavatra anankiray eny amin’ny satrony, sy ny sisa. Aiza ho aiza no misy antsika, indrindra rehefa tonga eo amin’izany toerana izany isika?

¹⁸² Naniraka izy ireo ary naka an’i Jimla, na ny . . . tsy i Jimla; fa i Mikaià, zanak’i Jimla. Naniraka ary naka azy. Ary naminany izy ka niteny tamin’izy ireo fa ho vonoina i Ahaba raha mandeha any izy.

¹⁸³ Ary nofelahan’ilay arseveka teo amin’ny vavany izy. Nahitsy fo izy ny amin’izany. Hoy izy hoe, “Aiza no nalehan’ny Fanahin’Andriamanitra rehefa niala tamiko Izy?”

Hoy izy hoe, “Ho hitanao.” Ah-hah. Ah-hah.

¹⁸⁴ Hoy izy, “Ataovy any an-tranomaizina izy. Ataovy any amin’ny fonja anatiny izy. Fahano mofom-pahoriana izy, sy ranom-pahoriana. Fa rehefa miverina soamantsara aho,” hoy izy, “dia hifampiraharaha amin’io lehilahy io aho.”

¹⁸⁵ Ary, i Jimla, dia nahafantatra fa marina tamin’Andriamanitra izy! Nahoana? Nifampitaha tamin’ny Teny ny fahitany. Mpaminany iray izy. Ary ny fanahiny sy ny fahitany dia niaraka tanteraka tamin’ilay mpaminany, Elia. Hoy izy hoe, “Raha miverina ianao, tokoa, amin’izay fotoana izay dia tsy niteny tamiko Andriamanitra.”

¹⁸⁶ Ankehitriny, hoy aho tamin’io lehilahy io, “Iza no marina, ny favoriambe ekiomenika izay nisy lehilahy voafidy efajato nipetraka niaraka, nofidian’olona, sa ilay jiolahimboto kely nofidian’Andriamanitra?”

“Eny,” hoy izy, “eny, ahoana no hahafantaranao an’ilay fahasamihafana?”

¹⁸⁷ Hoy aho hoe, “Miverena any amin’ilay Drafitra!” Ahoana no hahaizantsika manorina tranobe iray raha tsy misy drafitra iray?

¹⁸⁸ Raha mba nijanona iray minitra izy ireo, ka nahita fa ilay mpaminany, Elia, dia nanozona an'i Ahaba, ka nanao hoe, "Ny alika no hilelaka ny ràny." Ary nanao an'izany ireo. Ahoana no hahafahany hitahy izay efa nozonin'Andriamanitra?

¹⁸⁹ Ahoana no hahafahanareo hitahy zavatra anankiray izay efa nozonin'Andriamanitra? Mivoaha amin'ilay zavatra. Manalavira an'izany. Midira ao amin'i Kristy. Amena.

¹⁹⁰ Ankehitriny mariho. Fa, ilay fahavalو dia hanolotra. Ilay fahavalо dia hanolotra zavatra anankiray, hanamboatra azy, ary ny fisainana ara-tsaina dia hanao hoe, "Marina izany."

¹⁹¹ Teo no nisy an'io rahalahy sarobidy io. Io lehilahy io, hoy izy hoe, "Tahaka ny . . . Jereo eto. Fantatralo ve, fa, raha ho tafaraka isika rehetra, ho fiangonana anankiray, dia tsy mihevitra ve ianao fa ho tsaratsara kokoa isika noho ny mparitaka amin'ny fomba izay misy antsika ankehitriny?"

¹⁹² Tsy toy ny hoe marina ve izany, raha ny Protestanta sy ny Katolika rehetra ve no afaka hitambatra ka ho tonga eo amin'ny tany iombonana iray? "Fa ahoana no hahafahan'ny roa miaraka raha tsy mifanaiky izy ireo?" Ahoana no hahafahanareo, rehefa ny vondrona anankiray *eto* no tsy mino ny fanasitranana, ny anankiray *hafa* milaza fa mino izy ireo, ny anankiray *hafa* mametraka an'izany ho an'ny fotoana hafa iray tany aoriana? Ny sasany aza tsy mino ny Baiboly akory. Fa apetraho miaraka izany, inona no azonareo? Tsy mpanao fifanjevoana Andriamanitra.

¹⁹³ Talohan'ny mba nametrahan'Andriamanitra ny Fiangonany tao amin'ny lamina aza, dia niandry folo andro sy alina izy ireo, mandra-pahatongan'izy rehetra ho "ao amin'ny toerana iray, saina iray." Ary tonga ny Fanahy Masina ho fitarihana, fa tsy favoriambe ekiomenika anankiray. Hitanareo? Antenaiko fa azonareo izany. Mariho.

¹⁹⁴ Izany ilay tsy mpino, tsy mahatoky amin'ny Tenin'Andriamanitra, izay tsy manamarika izay lazain'ny Teny, fa manamarika an'ireo fandanjalanjanareo manokana. Izany no nataon'i Eva, tamin'ny voalohany. Niankina tamin'ny fandanjalanjany izy.

¹⁹⁵ Hoy i Satana hoe, "Ankehitriny, mijere aty. Tsy marina ve izany? Fantatralo fa ny Teny no milaza an'Izany. Saingy, andraso iray minitra, tsy marina ve fa—fa ho tsaratsara kokoa ianao raha fantatralo ny tsara sy ny ratsy?"

"Nahoana, eny." Noho izany dia noraisiny izany. Azo antoka.

¹⁹⁶ Izay ilay fomba miaraka amin'ny fandanjalanjana. Ankehitriny, ny tsy finoana dia handeha foana any amin'ny fandanjalanjana, fa ny finoana tsy hikasika an'izany.

¹⁹⁷ Tsy marina tamin'ilay raintsika ve; avy amin'ilay rain'ny finoantsika, Abrahama, fa isika no zanany "ao amin'i Kristy."

Tsy marina ve fa ny vehivavy iray dimy amby enimpolo taona, ary izy dia efa niara-niaina taminy, hatramin'ny naha-tovovavy azy mihitsy, dia tsy afaka hanan-janaka? Ary rehefa zato taona izy, na sifivolo, ary izy zato, nefo mbola tsy nanan-janaka foana. Tsy fandanjalanjana ve, ny andiana dokotera lehibe anankiray sy ny siansa izay nanao fandinhana an'i Saraha? Nanao hoe, "Nahoana, efa maina ny kibony. Ireo lâla-nono dia maina, efa efapolo taona lasa izay. Ny fony, amin'io taona io, tsy afaka hihetsi-jaza izy." Nahoana, fandanjalanjana fotsiny izany.

¹⁹⁸ Fa nolavin'i Abrahama izany. "Tsy nisalasala tamin'ny teny fikasan'Andriamanitra izy, tamin'ny alâlan'ny tsy finoana. Nanohitra ny fandanjalanjana, tsy nisalasala tamin'ny teny fikasan'Andriamanitra izy, tsy nampaninona izay naha-izy azy. Fa izy-izy dia nihevitra fa Andriamanitra dia mahay manao ny zavatra rehetra izay Nolazainy fa Hataony."

¹⁹⁹ Ankehitriny, aiza ireo zanak'i Abrahama izao maraina izao? Ianareo mpitoriteny izay matahotra, matahotra ianareo, an'ireo mofo sy ranonareo, eny an-dàlambe, raha miala amin'io Babylona io ianareo. Aiza ny finoanareo? Hoy i Davida hoe, "Efa tanora aho, ary antitra aho ankehitriny. Mbola tsy nahita ny marina nafoy mihitsy aho, na ny Taranany nangataka mofo." Aza matahotra. Mitoera mahatoky eo amin'i Kristy.

²⁰⁰ Fa ny tsy finoana dia haka ny fandanjalanjana. Izany no nataon'io. Ankehitriny azonareo ve izany? Ny tsy finoana dia miankina amin'ny fandanjalanjana, ireo zavatry ny andro androany. Ny finoana tsy hanao an'izany.

²⁰¹ Ny finoana dia mijery ny Teny. Fa ny finoana dia mametraka ny tenany eo ambonin'ny Vatolampy tsy mihetsiketsika, ny Tenin'Andriamanitra Mandrakizay. Amena. Ny finoana dia tsy mijery ny fandanjalanjana. Tsy ahoako na impiry ianareo no afaka haneho fa izany no ho tsaratsara kokoa. Raha ny Teny no manao hoe "tsia," dia eo ny finoana no mitsahatra. Izany no toerana masina an'ny toeram-pitsaharan'ny finoana.

²⁰² Te-hanontany anareo Loterana aho, izao maraina izao, ianareo Batista, sy ianareo Katolika, ary ianareo, na inona ianareo na inona, ianareo olon'ny anaram-piangonana manerana an'izao tontolo izao. Ahoana no hahafahanareo mametraka ny finoanareo eo ambonin'ny anaram-piangonanareo, nefo mifanohitra amin'ny Teny izany? Karazana finoana inona no anananareo? Nahazo herin'ny fandanjalanjana ianareo, fa tsy finoana. "Fa ny finoana dia avy amin'ny fandrenesana," fandrenesana ny favoriambe ekiomenika ve? Ianareo ve efa mba...Ataoko hoe, mety mahita an'izany ao amin'ny Alimanakan'ny Tsingerintaonan'ireo Ramatoa Antitra ianareo, fa tsy mahita an'izany mihitsy ianareo ao amin'ny Tenin'Andriamanitra.

²⁰³ “Ny finoana dia avy amin’ny fandrenesana, dia izay renesina avy amin’ny Tenin’Andriamanitra.” Amena. Lazao amiko fa ny lehilahy anankiray dia afaka miteny zavatra mifanohitra amin’Ity, ary milaza fa izany no Tenin’Andriamanitra. Kanefa, “Ny lanitra sy ny tany ho levona, fa ity Teny ity tsy ho levona.”

²⁰⁴ Ny finoana dia mahita ny Teny ho toerana masin’ny fitsaharany. Miakatra avy hatrany eo an-tampon’ilay Vatolampy Mandrakizay izy, Kristy Jesosy, ny Teny, ary mipetraka eo ka miala sasatra. Avelao hihorakoraka ny rivotra. Avelao hanozongozona ny kotro-baratra. Voaaro izy, mandrakizay. Mitsahatra mihitsy eo amin’ilay Teny izy. Eo no misy ny finoana, ny finoana Kristiana tena izy, mitsahatra. Ny toeram-pitsaharana dia ny Teny, satria fantany fa Andriamanitra dia hanaporofo mihitsy ny fahambonian’ny Tenany, eo amin’ireo Fahavalony tsirairay avy. Tsy mampaninona na sarotra toy ny ahoana ilay izy, sy hoe ahoana no fidiran’ilay fahavalano, ary ny hoe tahaka ny efa resy manao ahoana ianareo, mbola mahafantatra foana ny finoana.

²⁰⁵ Ankehitriny, ho anareo olona marary, oh, toy ny ahoana no tiako handetehana an’ity! Rehefa azonareo io finoana io, fa hoe ho sitrana ianareo; ny—ny toe-javatra rehetra, ny zavatra hafa rehetra, ny famantarara rehetra, ny fisehon’aretina rehetra dia afaka manondro fa ho faty ianareo, tsy hihetsika intsony ianareo! Ny toeram-pitsaharany dia ao amin’ny toerana masin’ny Tenin’Andriamanitra, rehefa ny finoana, ny finoana tena izy no mametraka ny toerany ao. Tsy ilay mody mino ankehitriny; ny finoana. Tsy fanantenana; fa finoana. Ny fanantenana dia eto ivelany *eto*, manantena fa ao anatin’ny ilay izy. Ny finoana dia efa ao anatin’ny mijery ny any ivelany, ka manao hoe, “Vita ilay izy.” Hitanareo? Izany no finoana. Eo no handrais’ny finoana ny toeram-pitsaharany, satria izy dia mahalala fa Andriamanitra na oviana na oviana, na oviana na oviana dia tsy hamela ny fahavalano hiakatra eo an-tampony. Tsy mamela mihitsy Izy. Mahafantatra an’izany ny finoana, noho izany, tsy mijery hoe toy ny inona ilay zavatra.

Noa dia nahafantatra fa hitsingevana ilay sambofiara. Hitanareo? Nahafantatra tokoa izy.

Daniela dia nahafantatra fa Andriamanitra dia afaka manakombona ny vavan’ny liona.

Ireo zanaka Hebreo dia nahafantatra fa Andriamanitra dia afaka mampijanona ny afo.

²⁰⁶ Jesosy dia nahafantatra fa Andriamanitra dia hanangana Azy indray, satria ny Teny no nanao hoe, “Tsy Hafoiko ho any amin’ny helo ny Fanahiny, na Havelako ho tratry ny fahalovana ny Iray Masiko.” Fantany fa ny fahalovana dia miditra ao anatin’ny roa amby fitopolo ora. Hoy Izy hoe, “Afaka telo andro dia hitsangana indray Aho.” Hitanareo? Izany no nandray

an'ilay toeram-pitsaharany Mandrakizay tao amin'ilay toerana masin'ny Tenin'Andriamanitra, ary nijanona tao.

²⁰⁷ Ny fandanjalanjana dia hiezaka ny tsarany indrindra mba hahafantatra hoe, "Eny, *ity* rafitra ity dia tsy maintsy hiha-tsaratsara kokoa. *Ity* dia Izao." Toa ohatry ny tsaratsara kokoa ilay izy satria mijery ny fisainana ara-tsaina ianareo. Afaka manaporofa an'ireo fandanjalanjana ianareo.

²⁰⁸ Fa tsy afaka manaporofa ny finoana ianareo. Satria, raha afaka manaporofa an'izany ianareo, dia tsy finoana intsony izany. Fa ny Teny sy ny teny fikasana irery ihany no fantatry ny finoana, ary izany dia mijery an'ilay zavatra izay tsy hitanareo. "Ny finoana dia fahatokiana ny zavatra antenaina, fanehoana ny zavatra tsy hita." Tsy afaka mandanjalanja ianareo. Tsy afaka manaporofa aho hoe ahoana no hahavitan'izany. Tsy fantattro hoe ahoana no hahavitan'ilay izy. Tsy fantattro izany, fa inoako izany. Fantattro fa izany ilay izy, satria Andriamanitra no niteny an'izany. Vita hatreо izany.

²⁰⁹ Izany no antony ahafantarako fa Ity no marina. Fantattro fa ny Teny dia marina. Fantattro fa ny Hafatra dia marina, satria ao amin'ny Teny Izany. Ary mahita an'Andriamanitra velona mihetsika eo anivon'Izany aho, mba hanaporofo. Ao amin'ny fifindrana anankiray isika, tena marina tokoa.

²¹⁰ Na dia ny fahafatesana izy tenany aza tsy afaka manozongozona ny finoana. Ny olona dia mijoro mihitsy ao amin'ny fahafatesana, ao amin'ny...eo anatrehan'ny fahafatesana mihitsy, ary miantsontso ny fandresen'ny fitsanganana. Paoly, "O ry fahafatesana, aiza ny fanindronanao? Ry fasana, aiza ny fandresenao?" Hitareo? "Satria, nitsangana Kristy, ary ireo izay ao amin'i Kristy dia hiseho miaraka Aminy amin'ny Fihaviany." Hitareo? Tsy afaka miova izany. Hia.

²¹¹ Ny finoana dia manao ny Tenin'Andriamanitra ho toerana masin'ny fitsaharany Mandrakizay. Mipetraka ao amin'ny Tenin'Andriamanitra izy. Mariho, indray.

²¹² Ankehitriny, mbola manana lavalava kely isika, eo amin'ny dimy amby roapolo minitra eo, raha ianareo—raha tsy mampaninona anareo. [Hoy ny fiangonana hoe, "Amena."—Mpand.] Izaho—izaho dia te-hanohy an'ity horonam-peo ity, iray minitra fotsiny.

²¹³ Mariho ilay mpanjaka, ilay mpanjaka vaovao izay nitsangana, izay tsy nahafantatra an'i Josefa. Inona no tetiny voalohany, mba hamotehana ny herin'ny Israely? Eo amin'ireo zanany. Marina ve? [Hoy ny fiangonana hoe, "Amena."—Mpand.] Niegaza izy ny hamotika an'ireo zanany. Ankehitriny henoy tsara. Ilay devoly iray ihany, ao amin'ny endrika hafa iray an'ny maha-mpanjaka, no niezaka namotika an'ilay Zanaka lahitokan'Andriamanitra. Hitareo? "Manala an'ireo zanaka, aloha, mialohan'ny hanombohan'izy ireo." Ny devoly dia

tena vorona iray fetsy, lalin-tsaina. Fantany hoe ahoana no hamelezana an'ilay zavatra alohan'ny hanombohan'ilay izy. Fantany izany. Hitanareo?

²¹⁴ Ary ny zavatra tokana izay hany azonareo atao, handresena azy, dia ny miankina amin'i Kristy, sy manetry ny tenanareo ary mamela Azy hitarika anareo. Hitanareo? Tsy hahavita an'ilay izy amin'ny fomba hafa mihitsy ianareo. Ireo hery ara-tsainareo dia tsy hahavita an'ilay izy mihitsy. Tsy maintsy mino an'ilay izy ianareo. Miankina Aminy fotsiny. Izy no MPIANDRY ondry. Tsy asan'ny ondry ny mandroaka ny lopa. Asan'ilay mpiandry ondry izany. Fa ny ondry dia tsy maintsy mijanona miaraka amin'ilay mpiandry, mba hijanona ho voaaro. Izany no faritro voaaro, dia ao amin'i Kristy; ary Kristy no Teny. Izany no faritra voaaro.

²¹⁵ Mariho. Ilay devoly, tao amin'ny endriky ny—ny Ramesesa, mpanjaka iray, ny zavatra voalohany nataony dia ny hanala an'ireo zanaka, amin'ny fahafatesana ara-nofo. Ary vantany vao teraka ilay Zanak'Andriamanitra... Nifindra avy tany Egypta izy, satria Andriamanitra dia namotika an'i Egypta, nanozona azy. Tsy niverina intsony izy, hatramin'io. Avy eo dia tany Roma izy; Satana dia namindra ny—ny sezany nankany Roma. Ary ny zavatra voalohany nataon'i Roma, mba hamotehina azy rehetra, mba hahazo, hahazo antoka; ilay devoly, tao amin'io rafitra Romana io, dia niezaka namotika (inona?) an'ilay Zanak'Andriamanitra, tany am-boalohany. Ilay devoly iray ihany!

²¹⁶ Ary, amin'izao andro izao, dia nanao an'ilay zavatra mitovy izy, teo ambanin'ny famantaran'ny fanahy ankehitriny, mpivavaka, manambara ny Kristianisma, ary maka an'ireo tovovavintsika ka mampanambady azy ireny amin'ny tovolahy Katolika, ary manao azy ireny hitondra ny zanany ho Katolika, mba handrava ny herin'ilay etsy ankilany hafa. Io ilay demoninareo. Io ilay devolinareo izay mipetraka eo amin'ny havoana fito, mitondra satroboninahitra anankitelo, tena malama sy fetsy, kinga saina, mahay tahaka an'ilay menarana mihitsy; ilay taranaky ny menarana, ireo zanany, dia mampiasa an'ireo teknika ara-tsaina iray ihany. Jereo.

²¹⁷ Avy eo dia novonoiny ireo zanaka, tao amin'ireo indroa hafa. Novonoiny ireo zanaka tamin'ny inona? Indroa. Ankehitriny tsarovy, diniho ilay roa, sy ireo telo. Hitanareo? Novonoiny ireo zanaka, indroa tamin'ny voalohany, tamin'ny fahafatesana ara-nofo. Ary ity fotoana farany ity, dia halainy ireo zanaka ary hovonoiny amin'ny fahafatesana ara-panahy izy ireo, mampanambady, mampivady.

²¹⁸ Tsy nilaza an'ilay zavatra mitovy ve i Daniela, tao amin'io fanjakan'ny vy sy tanimanga io, fa izy ireo dia hampifangaro an'ireo taranaka ireo, miezaka ny handrava ny herin'ilay vahoaka hafa? Ary izany no ataon'izy ireo, hany ka azon'izy

ireo ilay zavatra ankehitriny. Manana filoha iray izy ireo ao anatiny ao. Ankehitriny, ny zavatra manaraka izay tsy maintsy hataonareo, dia ny mametraka—dia ny mametraka an'ilay kardinaly ao anatiny ao. Mametraka an'ilay kabinetra iray manontolo ao anatiny ao, ary avy eo dia inona no hataonareo?

²¹⁹ Ny zavatra manaraka ataon'izy ireo, dia alainy ny volan'izy ireo ary—ary haloany ny trosan'i Etazonia, ary indraminy avy amin'ny fiangonana izany, ary avy eo dia amidy ianareo. Ankehitriny, isika dia—isika dia miaina amin'izao andro izao, mandoa ny trosantsika any ivelany any, miaraka amin'ny volan'ny heta izay tsy ho voaloa raha tsy afaka efapolo taona. Tsy manam-bola intsony isika. Fa ny fiangonana no manana an'izany. Tsy milaza ve ny Baiboly hoe, “Voaravaka volamena izy”? Ary, oh, oadray! Fa ianareo...

²²⁰ Izany ilay fomba ataony, hitanareo, manambady ny zanakareo vavy, ireo zanaka vavy manambady ny zanakareo lahy, mitaiza ny zanakareo ho Katolika, marina tokoa, mamono azy ireo amin'ny fahafatesana ara-panahy. Tsy nilaza ve ny Baiboly, hoe, “Izy no hanipy azy eo amin'ny fandrian'izao tontolo izao, sy hamono ny zanany amin'ny fahafatesana ara-panahy”? Apokalypsy 17. Hitanareo?

²²¹ Ny Teny foana izany. Tsy ahoako izay alehanareo, mbola ny Teny foana izany. Tsy maintsy mifanaraka tsara amin'ilay sary izany. Raha tsy izany, dia tsy ny Teny izany, tsy ny Teny izany. Raha tsy afaka manao an'izany handeha amin'ny lâlana rehetra araka ny Baiboly ianareo, dia diso ilay izy amin'izay fotoana izay.

²²² Jereo. Nandritr'io fotoana io, dia nanofana ny Mpanompony Andriamanitra ho an'ny asany. Nanofana azy, ivelan'ny fahitan'izy ireo, ivelan'ny drafitr'izy ireo, ny tetik'izy ireo. Azonareo ve ilay izy? Ivelan'ny rafitra ara-rafi-pandaminan'izy ireo, dia nanofana lehilahy iray Andriamanitra ho an'ny Tanjony. Navelany hitohy fotosiny ilay izy. Avelao izy hanambady, ary hanana ny vadiny sy ny zanany, ilay zaza Gersoma. Niaina fiainana tena tsara izy, nitahy azy tany. Saingy, nandritry ny fotoana rehetra, dia nanomana azy Izy, nanofana azy.

²²³ Andriamanitra sy ny Fahavalony dia nanao, tao amin'ilay ara-nofo tamin'izany, tahaka ny ataon'Andriamanitra sy ny Fahavalony mihitsy ao amin'ilay ara-panahy ankehitriny. Novonoiny tamin'ny fahafatesana ara-nofo izy ireo; ankehitriny dia amin'ny fahafatesana ara-panahy. Hitanareo? Nanomana lehilahy ara-nofo iray Andriamanitra, ny Mpaminaniny, handeha hidina any Egypta. Ary nanomana Ramesesa iray i Satana, ny lehilahiny ara-nofo, hitanareo, nanomana lehilahy ara-nofo iray (inona?) hamono, na hampiray ny Egyptiana sy ny Hebreo rehetra miaraka, hanao azy ireo mbola hanompo azy foana.

²²⁴ Izany no antony hoe saroatra ho an'ny fisainana ny mandanjalanja manohitra an'ilay rafitra ara-pampianarana izay afaka manaporofo an'ireo foto-keviny. Hitanareo? Marina izany. Ny fisainany dia handeha foana ho eo amin'ilay fampianarana. Ny saina ara-tsaina sy mandanjalanja dia tsy mahita an'Izany akory aza.

²²⁵ Efa hitanareo ve ny *Didy Folon'i Cecil DeMille?* Ataoko fa maro aminareo no nahita. Tsy mino ny handehanana ho any amin'ny fampisehoana sarimihetsika aho, io karazan-javatra rehetra io. Fa nanoro hevitra ny fiangonana aho, mba ny rehetra, raha tsy manana afa-tsy izany izy ireo, fa izay te-hijery an'izany, dia ho mety tsara raha te-hijery an'izany izy ireo. Satria, izaho dia tsy hamela... Voalohany, ny sasany tamin'ireo rahalahiko dia nandeha tany Tonga izy ireo, nilaza tamiko. Tsy tany mihitsy aho na indray mandeha aza nandrity ny taona maro. Farany, dia nandeha teto aho, rehefa teo amin'io toeram-pijerena io ilay izy. Nijery an'izany aho. Hitako hoe inona ilay izy. Avy eo dia hoy aho tamin'ny fiangonana hoe, "Raha te-hijery an'izany ianareo, dia tena tsara." Teo ilay izy. Tsara ilay izy, mahafinaritra.

²²⁶ Ahoana fa ilay fitaky ny devoly, fetsy toy ny ahoana izy tao, ahoana izy-izy rehefa niditra tao mba hamono an'ireo zanaka. Ary ahoana fa naka an'izany ilay saina ara-tsaina ka nino an'izany, satria afaka nahita an'izany izy ireo! Marina ilay izy. Oh, ahoana fa Andriamanitra dia, nandrity ny fotoana rehetra, nanofana an'io mpaminany io! Ary ahoana fa Egypta dia nanofana, tao amin'ny politika, an'io Ramesesa io, mba handimby! Ary avy eo dia tonga ilay fanoherana lehibe, indray andro, teo amin'ny hery ara-tsaina sy ara-panahy. Ary i Ramesesa, niaraka tamin'ireo andriamaniry rehetra, dia nitsangana tany ary nandrarakana rano, mba-mba hisaotra an'ilay andriamanitr'i Neily. Nasian'Andriamanitra izy, ary nivoaka avy tao aminy ny rà. Izy dia... Oh, izaho—izaho dia nihevitra fa izany dia nandona, hitanareo, mba hahitana an'izay niseho. Oh!

²²⁷ Ankehitriny diniho. Ilay ara-tsaina dia handeha foana ho any amin'ny fandanjalanjana iray. Ary tsy afaka mahita an'ilay lafiny ara-panahy izany, satria ara-tsaina ilay izy. Oh, tsy afaka nahita na tamin'ny fotoana hafa aza! Tsy afaka mahita an'izany izy ireo ankehitriny.

²²⁸ Tsy afaka nahita an'izany izy ireo tamin'ny andron'i Elia. Ahoana no nahafahan'io mpaminany antitra feno volontava io...

Hamela ahy anie Andriamanitra amin'ny filazana zavatra anankiray tahaka an'izany. Fa izaho—izaho dia tsy manao afatsy... Ary Andriamanitra no mahafantatra fa izaho dia miezaka ny manao—manao an'ilay izy ho mahatsikaiky arak'izay vitako, mba hahafahanareo mahita ny—ny Fanahin'Andriamanitra.

²²⁹ Tahaka an'i Paoly nanao hoe, "Tsy tonga taminareo mihitsy aho, niteny tamin'ny teny mamitaka sy ny fahendrena, mba hahasarika ny fisainanareo ho amin'ny fahendrena. Fa tonga aho niaraka tamin'ny herin'ny Fanahy Masina, mba ny—mba ny—ny—ny fanantenanareo sy ny tokinareo anie hipetraka, tsy eo amin'ny fahendren'ny olona, fa ao amin'ny herin'ny fitsanganan'i Jesosy Kristy."

²³⁰ Izany no antony anaovako an'izao ho tena mahatsikaiky, amin'ny fiantsoana an'ilay mpaminany lehibe, masina, "miaraka amin'ny tava feno volo" Satria, izy dia tsy maintsy ho—ho zavatra ratsy tarehy, raha hitsangana, eo anilan'ny mpisorona iray tsara akanjo, nefo miantsy ny tenany ho lehilahin'Andriamanitra.

²³¹ Jereo izy. Afaka mahita ny fahamasinan'ilay mpisorona ianareeo, ao amin'ilay fisainana ara-tsaina. Afaka mahita an'ilay fehiloha eo amin'ny lohany ianareeo, sy ilay mihodina . . . ary ilay efoda mipetraka eo amin'ny tratrany *eto*. Afaka mahita an'ilay diloilo fanosorana ianareeo, ara-nofo, teo amin'ny volombavany, mitsororika hatrany amin'ireo sisin'akanjony. Afaka mahita an'ireo afon'ny fanatitra mirehitra ianareeo, ary ireo fombampivavahana rehetra ao amin'ny lamina. Ankehitriny, izany no tsy maintsy nandehanan'ilay fisainana ara-nofo.

²³² Izany ilay ezahan'izy ireo atao amin'izao andro izao, ny maso, no vavahadin'ny fanahy. Fa, hitanareeo, ilay maso ara-panahy dia ao ambadik'io maso io!

²³³ Nijery an'io lehilahy antitra feno volo nitsangana teo io izy ireo, ny volo teo amin'ny tratrany; ary tapaka hoditr'ondry lehibe, goavana iray no nifono nanodidina azy, avy amin'ny hoditra, fehikibo iray no teo amin'ny valahany, miaraka amin'ny, angamba tsy nikiraro, sandry antitra mahia kely, ilay nofo mihantona tahaka an'izao; ary volombava fotsy, mitopatopa manerana ny tavany; ary tehina iray mifaingoka no teny antanany, nitsangana teo. Saingy ilay maso ara-panahy dia afaka nahita ny herin'Andriamanitra nihetsika teo, satria tena niaraka tamin'ny Teny tanteraka izany. Tsy izay hitan'ilay ara-tsaina; fa izay hitan'ilay maso ara-panahy!

²³⁴ Ary ny—ny maso ara-nofo, amin'izao andro izao, dia mahita fiangonana iray mamiratra, fiombonana iray miaraka amin'ny ben'ny tanàna, na—na inona koa, ao amin'ireo rafipandaminan'ny anaram-piangonana. Ary diso tamin'ny fahitana ny herin'ny Fanahy Masina izy ireo, rehefa afaka nanangana ny maty Izany ary nanasitrana ny marary. Ary—ary—ary ahoana . . . Hitanareeo? Izy ireo, izy ireo dia nijery, ary izy ireo dia nandinika an'i Hollywood, ary izy ireo dia nandinika ny olona teny andàlambe.

²³⁵ Ireo vehivavy, amin'izao andro izao, dia mihevitra hoe, "Eny, ity vehivavy ity, Susie, dia mikambana amin'ilay fiangonana izy.

Manana ny volony tapaka izy. Manao lokon-tarehy izy. Ny olona rehetra eto an-tanàna dia tia azy.”

²³⁶ Manontany tena aho hoe ahoana ny amin’ny Lanitra? Hitanareo? Rehefa mifanohitra amin’ny Teny ilay izy, dia tsy afaka manohana an’izany Andriamanitra. Izy, Izy ve hanohana hanohitra ny Tenany. Izy ve handà ny Teniny Manokana. Ary fantaro izao, tsy hanao an’izany mihitsy Andriamanitra, na dia ho levona aza ny lanitra sy ny tany. Ny vehivavy iray manapabolo dia ozona iray, eo imason’Andriamanitra, na ny vehivavy izay manao fitafian-dehilahy. Hitanareo? Ny maso ara-panahy dia mahazo an’Izany; miaina ho an’ny any Ankoatra izy ireo. Ny fisainana ara-nofo dia miaina mba handanjalanja ny zavatra ara-nofon’ny andro.

²³⁷ Mariho ankehitriny, Andriamanitra no manao an’izany, kanefa ny olona dia tsy mahafantatra an’izany. Ny fisainana ara-nofo dia nandeha niaraka tamin’ny fandanjalanjana. Miantso fifindrana ara-panahy iray Andriamanitra ankehitriny. Rehefa niantso fifindrana ara-nofo iray ho an’ny Olony Izy, dia miantso fifindrana ara-panahy iray Izy amin’izao andro izao, ho (an’ny Inony?) ny Voafidiny, ho an’ny Voafidiny irery ihany.

²³⁸ Ankehitriny, Egypta dia tsy afaka nahita an’i Isiraely ho marina, na dia ilay ràn’ny zanak’ondry teo amin’ny varavarana sy teo amin’ny tolàna aza, ary ireo zavatra izay niseho.

²³⁹ Ary Andriamanitra tany, nihetsika tao amin’io mpaminany io, ka naka ny tenin’ny lehilahy anankiray. Namela azy nitsangana teo, ary naka ny—ny tehina iray izay niankinany, ary nanondro nankany atsinanana, ka nanao hoe, “Aoka hisy lalitra ho tonga eo, ka hamely an’i Egypta.” Dia nandeha niverina tany.

Ary ny olona rehetra dia nanao hoe, “Tsy nisy na inona na inona nitranga. Tsy nisy na inona na inona nitranga.”

²⁴⁰ Fa afaka vetivety fotosiny, lalitra maitso antitra anankiray no nanomboka nihodinkodina teo. Afaka kelikely, dia nisy roa livatra angamba isaky ny tany efa-joro, fa lehilahy iray no niteny famoronana ho amin’ny fisiana.

²⁴¹ Nisy Ramesesa ara-tsaina iray nitsangana teo, izay nanohitra; lehilahy tena mpivavaka iray, ary nanohitra ny Fanahn’Andriamanitra velona. Ary ilay fisainana ara-nofo dia afaka nahita an’i Ramesesa fotosiny ihany. Fa ilay fisainana ara-panahy kosa dia nahita ny teny fikasana, ary nahita an’izany niseho.

²⁴² Eny, raha afaka niantso an’ireo Amalekita i Josoa sy Kaleba, sy ny Hevita, sy Jebosita, ho toy ny tsy nisy izy ireo tany, nefà indroa, na intelo na in’efatra tamin’ny hahaben’izy ireo. Ary ilay fisainana ara-nofo, tao Kadesy-Barnea, rehefa nandeha tany ireo mpisafo tany, nanao hoe, “Ah, tsy vitantsika izany. Isika... Izy ireo dia—izy ireo dia be loatra. Eny, isika dia toy ny—isika dia toy ny tsingetana, eo anilan’izy ireo.”

²⁴³ Fa nahita ny fampanantenan'Andriamanitra i Kaleba sy Josoa, ka nanao hoe, "Mahery lavitra isika hahavita an'izany." Nahoana? Izy ireo dia mijery ny, "Hoy Andriamanitra hoe, 'Omeko anareo ny tany.'" Hitanareo? Tsy mahazo an'izany ny fisainana ara-nofo. Ny fisainana ara-panahy no mandray an'izany.

²⁴⁴ Fa nahoana? Te-hanontany zavatra aminareo aho. Nahoana no tsy nahita an'ireo zavatra ireo ny Egyptiana? Satria tsy voafidy izy ireo. Andriamanitra no niteny tamin'i Abrahama talohan'ny nitrangan'izany. Raiso izany, ianareo ry fiangonana matory! Andriamanitra no niteny tamin'i Abrahama talohan'ny nitrangan'izany hoe, "Ny taranakao dia hivahiny any—any Egypta, mandritry ny efajato taona, ary Izaho no hitondra azy ireo hivoaka." Izay no antony nahitan'izy ireo an'ilay izy, satria izy ireo no voafidy hahita an'ilay izy. Izy ireo no fifidianana. Isirael dia voafidy hahita ny famantaran'Andriamanitra, ary nivoaka an'i Egypta izy ireo izay nahafatesan'ireo tsy mpino.

²⁴⁵ Ary, amin'izao andro izao, dia miantsy ny Voafidiny Andriamanitra, ilay Taranaka ara-panahin'i Abrahama, amin'ny alàlan'ny finoana izay nananany tao amin'ny Tenin'Andriamanitra. Tsy hitanareo ve ilay Taranaka ara-panahy, amin'izao andro izao? [Hoy ny fiangonana hoe, "Amena."—Mpand.] Tsy mijery an'ilay fiangonana ara-tsaina Izany. Mijery ny Teny Izany. Ary Izany dia nantsoina avy tao amin'ireo anaram-piangonana lehibe, ho eo amin'ny Fanatrehan'i Jesosy Kristy. Tsy nazava ve izany? Azonareo ve ilay izy? ["Amena."] Eny àry. Handeha lavidavitra isika. Ilay Voafidy, irery ihany!

Dokotera D.L.Ph., tsy mahita an'Izany mihitsy izy ireo. Tsy voafidy izy ireo.

²⁴⁶ Ary, tsarovy, io fifidianana io, dia tonga ankehitriny, dia tsy fandehanana ho any amin'ny firenena hafa iray fotsiny, fa fandehanana mankany amin'ny Voninahitra izany, izay misy ny anaran'izy ireo voasoratra eo amin'ny Bokin'ny Fiainan'ny Zanak'ondry. Tsy hoe eo ambanin'ilay ondry biby ara-nofo, kely izay nitondra ny Isirael nivoaka, ka afaka niverin-dàlana izy ireo avy teo ka niverina tany aoriania. Fa, ity dia tsy afaka. Ity dia eo ambanin'ny Ràn'ilay Zanak'ondrin'Andriamanitra izay voavono talohan'ny fanorenana an'izao tontolo izao. Ary ny anaran'izy ireo dia napetraka teo amin'ny Bokin'ny Fiainan'ny Zanak'ondry talohan'ny fanorenana an'izao tontolo izao. Ary ao izy ireo, voafidy. Ary rehefa nanjelatra teo amin'izy ireo ilay Hazavana, tahaka an'izao, dia nirodana ireo rindrini'ny anaram-piangonana teo anatrehan'izy ireo, ary indro avy izy ireo. "Mivoaha eo anivony ianareo," hoy ny Fanahy Masina amin'izao andro farany izao. "Aza mikasika an'ireo zavatra malotony. Izaho no ho Andriamanitra aminareo; ianareo ho zanakalahy sy zanakavavy Amiko." Ankehitriny, diniho.

²⁴⁷ Nandinika i Isiraely. Fantatr'izy ireo fa nifanaraka tamin'ny Mpaminaniny Andriamanitra. Izy ireo... Tonga tamin'izy ireo ny Teny, ary tonga izy ireo mba hijery an'Izany. Ary hitan'izy ireo Izany.

²⁴⁸ Ary ankehitriny ilay famantarana ara-tsaina, hitantsika izany ankehitriny, fa mino ny rafi-pandaminany izy ireo. Mbola ao amin'ny fanekem-pinoany foana izy ireo. Kanefa izy ireo...

²⁴⁹ Tahaka an'i Balama, izay niakatra teo an-tampon'ilay havoana, izay nisy ny Isiraely. Teo ny Isiraely, tsy firenena anankiray, vahoaka anankiray mirenireny fotsiny izy ireo, ary meloka. Ary i Moaba, ny rahalahiny, ilay ara-tsaina, ilay lehilahy voarafitra, dia niakatra teo an-tampon'ilay havoana, niaraka tamin'ny eveka na ilay mpaminany izay nananan'izy ireo, ary nanorina alitara, sy nanolotra fanatitra mitovy. Saingy diso tamin'ny fahitana an'ilay Andry Afo sy ilay Vatolampy nokapohina teo anivon'ny Isiraely izy.

²⁵⁰ Toy izany koa amin'izao andro izao. Ny fisainana ara-tsaina dia njery an'ilay laza nitsangana teo. Diso amin'ny fahitana an'ilay Vatolampy nokapohina izy ireo. Na dia ilay eveka aza, ny tenany, dia diso tamin'ny fahitana ny herin'ny Fanahy Masina, ilay antsoantson'ny Mpanjaka tao amin'ny toby. Diso tamin'ny fahitana an'izany izy ireo.

²⁵¹ Noho izany, dia izany ilay fomba amin'izao andro izao indray. Miantso ny Vahoakany voafidy Andriamanitra, ary voafidy izy ireo ankehitriny. Ary ankehitriny dia voafidy ho an'ny inona izy ireo? Ho an'ny fitsanganana anankiray. Ary karazana famantarana inona no Asehony azy ireo? Famantaran'ny fitsanganana.

²⁵² Inona no Nasehony tamin'izy ireo tamin'izany? Famantaran'ny fanafahana iray, mba hanafaka azy ireo amin'ny fanandevozana, famantaran'ny hery iray izay afaka nandrindrina ny lanitra na afaka nanamainty ny lanitra.

²⁵³ Ary ankehitriny Izy dia maneho ny herin'ny fitsanganan'ny Zanany velona eo anivor'izy ireo, mba hanangana azy ireo avy ao amin'io fasana io sy ny tanim-pasana izay misy antsika, ho any amin'ny Tany izay Nampanantenainy antsika. Famantaran'ny fitsanganana, miantso hivoaka avy ao amin'i Egypta ara-panahy sy Babylona ara-panahy, izay mahafantatra.

²⁵⁴ Mamelà ahy hamerina moramora an'izany ankehitriny, mba hahazoanareo azy. Manao an'ilay izy amin'ny alàlan'ny rafitra mitovy tamin'izay Nataony tany am-piandohana, izany ihany no zavatra Ataony. Manajamba ny mason'ireo tsy mpino; manokatra ny mason'ilay mpino. Ary mariho ireo politika izay manao an'ilay izy eo amin'ny lafiny ara-tsaina, ireo politika sy ny fiangonana, ireo politika sy ny firenena, ny zavatra rehetra; ary ilay lafiny hafa dia nafenina lavitra avy amin'ireo, antony ara-panahy iray.

²⁵⁵ Naka lehilahy iray tany an-efitra Andriamanitra, nanofana azy. Ary nitondra azy niverina, ka nifehy an'ilay zavatra, ary nitondra ny vahoaka nivoaka. Hitanareo ve izay tiako ho lazaina? Tsy afaka manova ny Fandaharany Izzy. Andriamanitra Izzy. Tsy hifanarakaka amin'ny vondrona iray mihitsy Izzy. Tsy nanao an'izany mihitsy Izzy. Mifanarakaka amin'ny isam-batan'olona iray Izzy; ary efa Nataony izany, ary Hataony. Ary Izzy no nampanantena, ao amin'i Malakia 4 mihitsy aza, fa Hataony izany. Marina izany. Noho izany dia izay ilay Fampanantenany, ny amin'ny maha-izy Azy; fampanantenana ny amin'izay Nolazainy fa Hataony, ary eo isika izao. Vahoaka toy ny inona, sambatra, no tokony haha-izy antsika; manome azy ireo an'ilay famantarana, amin'ny alàlan'ny Famantarana'ny Teniny nampanantenaina, Teny nampanantenaina. Izzy no nampanantena fa Hataony izany. Ary izy ireo... “Hamerina ny Finoan'ny olona, ny fon'ny olona, hiverina amin'ilay Finoan'ireo ray pentekotista tany am-boalohany.” Nampanantena Izzy fa hanao an'izany, haneho an'ireo Famantarany.

²⁵⁶ “Fa tahaka ny tamin’ny andron’i Sodoma, dia ho toy izany koa amin’ny Fihavian’ny Zanak’olona.” Karazana famantarana inona no hitan’ireo fiangonana tao Sodoma? Inona no hitan’ilay fiangonana ara-tsaina? Mpitoriteny anankiroa. Inona no hitan’ilay Fiangonana ara-panahy, voafidy, Abrahama sy ny vondrony? Nahita an’Andriamanitra voaseho tao amin’ny vatan’ny nofo anankiray, nofon’olombelona, izay afaka namantatra ny fanahy ka niteny an’izay nolazain’i Saraha taorianty. “Tahaka ny tamin’ny andron’i Lota, dia ho toy izany koa amin’ny Fihavian’ny Zanak’olona.” Mahita ny Fanahy Masina eo anivontsika isika, manao an'ilay zavatra mitovy, miasa ao amin'ny nofon'olombelona. Izany ilay ora. Hitanareo? Eo mihitsy izao isika, ry sakaiza. Izay ihany. Mandeha ny fifindrana iray.

²⁵⁷ Fa mariho ankehitriny, Nataony tamin’ny alàlan’ny inona ilay izy tamin’izany? Mariho, ary itafio ny fieritreretanareo ara-panahy. Enga anie ny Fanahy Masina hanaisotra fotsiny an'ilay satroky ny tsy firehana ankehitriny, ka hijery tsara. Vao mandray fanapahan-kevitra iray Andriamanitra fa hanao zavatra, amin'ny fomba anankiray, dia tsy afaka manova an'izany mihitsy Izzy.

²⁵⁸ Tao amin’ny sahan’i Edena, rehefa te-hanavotra lehilahy anankiray Izzy hiverina amin’ny fiombonana, dia nandray fanapahan-kevitra iray Izzy: ny rà izany. Nanandrana ny fampianarana izy ireo, nanandrana ny anaram-piagonana izy ireo, nanandrana ny ara-pirenena izy ireo, sy ny zavatra hafa rehetra, fa tsy mety mihitsy izany. Toerana tokana ihany no hany hihanon’Andriamanitra amin’ny olona iray, izany dia eo ambanin’ny rà nalatsaka, tahaka ny tany Edena. Tsy niova mihitsy izany. Ny toerana tokana izay nihaonan’Andriamanitra,

tamin'ny andron'i Joba, dia teo ambanin'ilay zanak'ondry natao fanatitra. Ny toerana tokana izay Nihaonany tamin'ny Isiraelly, teo ambanin'ny zanak'ondry natao fanatitra; tahaka ny Nataony tao amin'ny sahan'i Edena, teo ambanin'ny zanak'ondry natao fanatitra.

²⁵⁹ Ny toerana tokana izay Ihaonany amin'izao andro izao, dia tsy ao amin'ireo anaram-pianganana; mifamaly sy mifandramatra amin'ny hafa izy ireo. Tsy ao amin'ilay mahafiangonana; mbola manao an'ilay zavatra mitovy izy ireo. Tsy ao amin'ireo ara-tsaina; afangaron'izy ireo ny zavatra rehetra. Fa eo ambanin'ny Ràn'ny Zanak'ondry, no ahafahan'ny mpino rehetra mihaona amin'ny fiombonana, izay misy ny Aina.

²⁶⁰ Andriamanitra no nify, tamin'ny andron'ny fifindrana, niantso andiany iray nivoaka Izy. Ary avy tao amin'io vondrona io, tiako ianareo hanamarika zavatra anankiray, nanana anankiroa fotsiny ihany Izy izay nandeha tao amin'ilay tany nampanantenaina. Inona no Nofidiany hamoaka azy ireo, politika, rafi-pandaminana? Nify mpaminany iray Izy, niaraka tamin'ny famantarana iray ivelan'ny voajanahary ar'ny Andry Afo iray, mba tsy hahadiso ny vahoaka. Izay nolazain'ilay mpaminany dia ny Fahamarinana. Ary nidina Andriamanitra, Andry Afo iray, ka nanamarina ny Tenany, naneho ny Teniny. Marina ve izany? [Hoy ny fianganana hoe, "Amena." —Mpand.] Izany no Nentiny, tamin'ny Fifindrany voalohany. Ny Fifindrany faharoa . . .

²⁶¹ Mandeha ao anatin'ny telo foana Andriamanitra. Tanteraka ao amin'ny telo Izy. Ianareo rehetra dia nahamarika ny toriteniko, telo sy fito foana izany. Ah-hah. Ny *Fito* dia "feno." Ny *Telo* dia ny "Fahatanerahany." Sintona voalohany, Faharoa, ary Fahatelo. Ary, oh, ny rehetra, ny zavatra rehetra. Hitanareo? Fanamarinana, fanamasinana, batisan'ny Fanahy Masina. Ray, Zanaka, Fanahy Masina. Ny zavatra rehetra! Hitanareo? Mariho.

²⁶² Inona no Nataony, tamin'ny fifindrana voalohany? Nandefy mpaminany anankiray Izy, voahosotra niaraka tamin'ny Andry Afo iray, ary niantso ny olona hivoaka Izy. Izany no Fifindrany voalohany.

²⁶³ Ary rehefa tapitra ny fotoan'ny Isiraelly, dia naniraka indray Izy, Mpaminanin'Andriamanitra iray, niaraka tamin'ny Andry Afo anankiray. Jaona dia nahita an'Izany nidina avy tany An-danitra tahaka ny voromailala iray. Ary hoy Izy hoe, "Handeha ho any amin'Andriamanitra Aho ary hiverina any amin'Andriamanitra Aho."

²⁶⁴ Taorian'ny Fahafatesany, ny fandevenany ary ny fitsanganany; Saoly avy any Tarsisy, teny amin'ny lèlany nankany Damaskosy, dia nahita an'ilay Andry Afo iray ihany. Ary amin'ny maha-Hebreo azy, nampianarina tsara tao amin'ny

Teny, dia nanao hoe, “Tompoko, Iza moa Ianao?” Fantany fa ny Tompo izany, io Andry Afo io. Hebreo izy. Nanao hoe, “Iza moa Ianao?”

Dia hoy Izy hoe, “Izaho no Jesosy.”

²⁶⁵ Ny fifindrana faharoa, dia nitondra Mpaminany iray Izy, voahosotra, dia ny Zanany, Andriamanitra-Mpaminany. Mosesy no nilaza fa ho Mpaminany iray Izy; ary nanana ny Andry Afo, sy nanao famantarana sy fahagagana. Ary io Mpaminany io ihany no nilaza, fa, “Izay rehetra mino Ahy, ireo asa izay Ataoko no hataony koa.”

²⁶⁶ Ary indro Izy nampanantena an’ilay zavatra nitovy ao amin’ny fifindrana amin’ny andro farany, ary tsy afaka manova an’izany Izy. Ary amin’ny alàlan’ny porofo siantifika, amin’ny alàlan’ny vavolombelon’ny Fanahy, amin’ny alàlan’ireo asan’ny Fanahy, dia hitantsika izany amin’izao andro izao, ilay Andry Afo lehibe izay mihetsika eo anivontsika; sy ireo famantarana sy fahagagana an’ny fitsanganan’i Jesosy Kristy, miantso ny olona avy ao amin’ny anaram-piagonana iray, ho eo amin’ny Fanatrehan’i Jesosy Kristy, mba ho velona, handeha ho any amin’ny Tany iray. Tsy misy diso izany, ry sakaida. Ilay izy tsy hoe izay lazaiko; rahalahinareo fotsiny aho. Fa, ilay izy dia izay porofoin’Andriamanitra aminareo, izay manao azy ho Fahamarinana. Andry Afo iray ihany izay Nampiasainy ho an’ireo anankiroa hafa, dia Izany no Nentiny eo anivonareo amin’izao andro izao, ary noporofoiny tamin’ny alàlan’ny siantifika Izany. Araka ny fantatrareo, ny *Life* magazina no namoaka Azy tamin’ny volana lasa, tany. Aiza . . .

²⁶⁷ Firy no teto ka nandre ahy niresa mikasika an’izany, izay nitranga, talohan’ny nanaovany an’izany? Heveriko, fa saiky ny tsirairay ato amin’ny fiagonana.

²⁶⁸ Izay ilay izy. Tsy mahafantatra mikasika an’izany rehetra izany izy ireo; miezaka ny hahafantatra ireo siantifika. Ny olona rehetra izay nanana ny sarin’Izany, dia niantso hoe, “Rahona iray, enina amby roapolo maily ny haavony, tao amin’ny endrika piramida iray.” Anjely fito no niseho tao anatiny, namerina sy nitondra taminareo ny Tenin’Andriamanitra, teo ambanin’ny tsindrimandry. Izany no miteny aminareo an’ireo ora izay ahatongavanareo sy iainanareo. Ny fisainana ara-panahy no haharay an’izany izao ankehitriny izao, hitanareo, ary mahazo azy. Fifindrana anankiray izany. Hiainga isika, indray andro any. Isaorana anie Andriamanitra. Tsarovy.

Ary hamarana aho, iray minitra fotsiny. Manana folo minitra aho.

²⁶⁹ Mariho ilay Andry Afo izay niantso azy ireo hivoaka, no nitarika azy ireo ho any amin’ilay Tany nampanantenaina, teo ambanin’ny hosotry ny mpaminany iray. Andry Afo iray izay azon’izy ireo nojerena, no nitarika azy ireo ho any amin’ilay

tany nampanantenaina, teo ambanin'ny mpaminany voahosotra. Ary nolavin'izy ireo hatrany foana izy. Marina ve izany? [Hoy ny fiangonana hoe, "Amena."—Mpand.] Azo antoka.

²⁷⁰ Ankehitriny, fantattro fa manana asa fanaovana batisa iray isika. Mbola manana eo amin'ny pejy enina eo aho eto, heveriko. Saingy hijanona aho ankehitriny, ao anatin'ny iray minitra fotsiny.

²⁷¹ Diniho ilay izy. Ao anatin'ny antso hivoaka iray isika. “Mivoaha avy ao Babylona, ry Oloko,’ hoy ny feon’ilay anjely.” Mivoaka avy ao amin’inona? Fifanjevoana. Ny Metodista ve no marina, sa ny Batista, sa ny Katolika? “Mivoaha avy ao amin’izany.” Andriamanitra no marina. Ahoana no hahafantaranareo? “Aoka ny tenin’olona rehetra ho lainga, fa ny Ahy ho Fahamarinana. Mivoaha avy ao amin’izany.” Inona no fantatrareo? Ilay Andro Afo iray ihany, ilay Fanahy manosotra iray ihany, izay mitarika ho any amin’ilay Tany nampanantenaina.

²⁷² Mariho, nitarika azy ireo, nitondra azy ireo nivoaka, nitarika azy ireo tao amin’ilay tany nampanantenaina; Israely, ilay firenena.

²⁷³ Ary ilay Andriamanitra iray ihany, ilay Andry Afo iray ihany! Ilay tokana . . . “Milaza izy ireo fa ny . . . fa ilay fakan-tsary . . .” Rehefa mamaky an’i George J. Lacy ianareo; tsy izaho, ankehitriny. Vakio rehefa nandinika an’ilay sary i George J. Lacy. Ilay lehiben’ny F.B.I., ho an’ireo dian-tànnana sy antontantaratsasy, izay ilay fanambarany. “Ny sasany manao hoe, ‘Fitaratra roa napetaka.’” Olona an’aliny no njery Azy, tamin’ny mason’izy ireo manokana. Nitsangana teo izahay ary njery Azy. Nijery Azy ianareo. [Hoy ny fiangonana hoe, “Amena.”—Mpand.] Tsy izany ilay izy. “Hoy izy ireo hoe, ‘Fiheverana ara-tsaina iray izany.’” Inona no nolazain’Atoa. Lacy? “Ilay maso mekanikan’ity fakan-tsary ity dia tsy haka ny fandinihana ara-tsaina.” Ah-hah. Tsy fiheverana ara-tsaina izany. Teo ilay izy, ilay Andry Afo iray ihany.

Avy eo dia hoy izy ireo hoe, “Oh, eny, fiheverana izany.”

Ankehitriny, ireo fakan-tsary, izy rehetra, tany amin’ny an-jatony maily avy ao Tucson!

²⁷⁴ Enim-bolana talohan’ny nitrangan’izany, dia nolazainay taminareo, tamin’ny alàlan’ny Fanahy Masina, fa handeha any aho haka an’ireo vaovao. Satria, ireo Soratr’ilay piramida teo amin’ny ivelany, dia araka ny nofy izay azon’ilay rahalahy, ary izaho no nandika azy taminareo. Izany ilay fandikana manontolo. Ankehitriny, ireo zava-miafina rehetra an’ny fanamarinana, fanamasinana, batisan’ny Fanahy Masina, dia efa voazava. Ankehitriny dia maka an’ireo tavela avy amin’izany, dia izay nafenina tao amin’ireo Tombokase Fito, fa tsy ireo fiangonana fito. Ireo Tombokase Fito no manambara an’ireo

zava-miafina. Ary tamin'izay fotoana izay no Nanokafany an'ilay zavatra, teo amin'ny tampony, ary nahitana Vatolampy iray tao anatiny, fotsy, saingy tsy voasoratra mihitsy teo amboniny. Zava-miafina iray izany.

²⁷⁵ Nandeha tany Tucson aho; nilaza mialoha an'izany talohan'ny nitrangany. Nitsangana teo avaratr'i Tucson aho, misy vavolombelon'izany mitsangana eto, rehefa tonga ny fipoahana iray, izay nanendaka an'ireo tendrombohitra tamin'ny tany, saiky. Ary tamin'izay fotoana izay indrindra, dia nisy faribolana Hazavana nihantona teo amin'ny habakabaka, fa ny siansa no naka an'ilay sary ankehitriny. "Enina amby roapolo maily ny haavony," saiky in-dimy amin'ny halaviran'ny zavona na zavatra hafa mety hisy. Ary tsy mety hitan'izy ireo akory aza hoe inona no nanao an'ilay izy.

²⁷⁶ "Hisy Hazavana amin'ny andro hariva." Ny lâlana mankany amin'ny Voninahitra dia azo antoka fa ho hitanareo, raha voafidy ianareo. Ilay Voa raha latsaka eo ambonin'ny tany maina, eo ambonin'ny vatolampy, dia tsy hahavita na inona na inona mihitsy izany; fo mafy, vato izay te-ho lasa tsy miraika. Fa raha milatsaka eo amin'ny tany malemy Izany, masaky ny finoana, dia hamokatra Kristiana iray Izany, mitondra an'ireo vokatry ny Fanahy.

²⁷⁷ Mariho hoe ahoana no nanaovan'Andriamanitra an'izany. Ankehitriny dia manana an'io Andry Afo iray io ihany Izzy. Voamarina Izany.

Nisy olona iray nanao hoe, "Maninona ianao no tsy mandeha miteny amin'ireo siantifika ireo mikasika an'Izany?"

²⁷⁸ Mihevitra ve ianareo fa hino an'Izany izy ireo? "Aza atsipy eo anoloan'ny kisoa ny perlanareo." Jesosy no nilaza hoe aza atsipy. Tsy misy fotony hanaovako an'izany, kanefa dia mipetraka eo amin'ilay tanàna izay iantsoan'izy ireo an'ilay izy. Nihevitra ny handeha tany aho. Ny Fanahy Masina no nanao hoe, "Mialà amin'izany. Tsy ho azy ireo izany. Mandehana miverina ka ilazao ny tabernakla." Eny àry.

²⁷⁹ "Fa izao no hiseho. Raha miseho izay lazain'izy ireo, amin'izay fotoana izay, tsarovy, fa Izaho no niteny," hoy ny Tompo, "hitانareo, mialohan'ny hitrangan'izany." Io ilay izy fa miseho. Henoy ny Baiboly, ilay Feon'Andriamanitra izay miantso anareo amin'izao andro izao.

²⁸⁰ Ankehitriny tiako ianareo hanamarika. Io Andry Afo iray io ihany no mitarika ny olona indray ho any amin'ny Tany nampanantenaina iray, dia ny Arivo taona. Izay, hitantsika, eo ambanin'ny tsindrimandrin'ny Tombokase Fahanina, (tsy mbola nampianarina mihitsy izany tany aloha), hoe ahoana no tsy maintsy hanadiovana ny tany ho an'ilay Arivo taona. Ilay Andry Afo no mitarika azy ireo ho any amin'ilay Arivo taona.

²⁸¹ Ary mariho ilay Andry Afo izay nitarika ny Isiraely avy tao amin'ny fanandevalozana, tao amin'io fifindrana io; ilay Andry Afo, teo ambanin'ny fitarihan'Andriamanitra... Ilay Afo dia Andriamanitra, ary ny Andry Afo irery ihany no nanosotra an'ilay mpaminany. Ilay Andry Afo dia tsy maintsy nijoro ho vavolombelon'ny Lanitra fa nantsoina nivoaka i Mosesy.

²⁸² Tsarovy i Datana, izy ireo, nanao hoe, "Eny, tokony hanomboka rafi-pandaminana anankiray isika. Ry Mosesy, maka be loatra ho an'ny tenanao ianao. Ianao dia miezaka milaza aminay fa ianao irery ihany no hany masina eo anivonay. Ny fiangonan'ny Tompo rehetra dia masina. Ahoana no hahafahanao mandray an'izany ho an'ny tenanao?"

²⁸³ Ary lavo tamin'ny tarehiny i Mosesy ka nanomboka nitomany. Hoy Andriamanitra hoe, "Saraho aminy ny tenanao. Hanokatra fotsiny ny tany Aho ka hitelina azy." Tandindona. Ahoana no hahafahana... Mosesy dia niteny tamin'izy ireo fa hiteny amin'izy ireo an'izay nolazain'Andriamanitra izy, Andriamanitra no nanamarina an'Izany ho ny Fahamarinana.

²⁸⁴ Na dia i Miriama aza, ilay mpaminanivavy izy tenany, sy i Arona, dia naneso an'i Mosesy, nohon'ny nanambadiany an'ilay tovovavy Etiopiana, naneso azy. Ary tezitra Andriamanitra; niteny nanohitra ny Mpanompony. Inona no Nataony? Niantso azy ireo hivoaka eo amin'ny varavarany'ny tabernakely Izy. Ary i Miriama, kanefa, dia mpaminanivavy iray izy. Fa mihoatra nohon'ny mpaminany i Mosesy, mihoatra nohon'ny mpaminany. Hoy izy hoe, "Tsy matahotra an'Andriamanitra ve ianareo? Raha misy mpaminany iray eo anivonareo, dia Izaho Tompo no miresaka aminy ao amin'ny fahitana, ary mampahafantatra ny Tenako aminy ao amin'nynofy, fa," hoy Izy, "tsy i Mosesy." Hoy izy, "Tsy matahotra an'Andriamanitra ve ianareo?" Ary izy-izy dia matin'ny habokana ny tapany, tamin'io minitra io. Fantatrareo izany.

²⁸⁵ Tsy nilaza ve Izy hoe, "Jaona Mpanao-batisa. Hizaha mpaminany iray ve no nivoahanareo? Eny, mihoatra noho ny mpaminany"? Nahoana? Nahoana izy no nihoatra nohon'ny mpaminany? Izy no iraky ny Faneke, ilay sambofiara izay nanakambana an'ireo fizarana anankiroa ireo niaraka.

²⁸⁶ Ary amin'izao andro izao, ny...ilay ananantsika eto anivontsika, io Fanahy Masina lehibe io, dia mihoatra nohon'ny mpaminany iray. Andriamanitra voaseho eo anivontsika Izany, miaraka amin'ny Teniny manaporofa an'izany. Manao mihoatra nohon'ny mpaminany iray, mihoatra an'arivony lavitra nohon'ny ataon'ireo mpaminany.

²⁸⁷ Elia, anankiray amin'ireo mpaminany lehibe indrindra tamin'ilay taona, dia tsy nanao afa-tsy zavatra efatra ivelan'ny voajanahary fotsiny, teo amin'ny fiainany rehetra valopolo

taona mahery kely. Ary Elisa, niaraka tamin'ny anjara roa, dia nanao valo.

²⁸⁸ Ary an'alinaliny no hitantsika, amin'ny masontsika manokana, mijery an'ilay Anjelin'ny Tompo, ao amin'ny Andry Afo iray. Ny fikarohana siantifika, dia nitondra an'izany tany amin'izao tontolo izao, nahafantatra fa ho tsarain'Izany izy ireo. Inona no nataon'ilay Zanak'ondry, ilay Anjelin'ny Tompo, izay Kristy? Mino an'izany ve ianareo? [Hoy ny fiangonana hoe, "Amena."—Mpand.]

²⁸⁹ Masindahy Jaona 6. Izy rehetra dia nisotro an'io rano io, ary nanana fotoana lehibe iray sy nifaly. Hoy Izy hoe, "Izaho no Mofon'Aina izay nidina avy tamin'Andriamanitra any Andriananitra. Izaho io Vatolampy izay tany an-efitra io."

²⁹⁰ Hoy izy ireo hoe, "Ankehitriny dia fantatray fa adala Ianao. Ianao dia—Ianao dia adala. Ianao, Ianao dia manana devoly ao Aminao. Ianao dia Lehilahy adala, miaraka amin'ny devoly iray." Fantatrareo, ny olona dia manana fanahy iray eo amin'izy ireo, indraindray izy ireo dia tena mavitrika, mpivavaka. Hoy izy ireo hoe, "Ianao dia—Ianao dia devoly. Ianao dia manana devoly ao Aminao. Samaritana Ianao, ary Ianao dia manana devoly ao Aminao." Hoy izy ireo, "Ary indro, Ianao dia tsy mihoatra ny dimampolo taona akory, nefà milaza fa Ianao dia 'efa nahita an'i Abrahama?"

²⁹¹ Afaka mahita Azy aho namindra indroa mandingana. Nanao hoe, "IZAHO NO IZAHO IZAY IZY. Talohan'ny nisian'i Abrahama, dia IZAHO NO IZY." Afo mandoro iray izany, ilay Andry Afo tao amin'ny roimemy.

²⁹² Rehefa maty Izy, ka nitsangana tamin'ny andro fahatelo, ary nihaona Taminy teny an-dàlana i Saoly, dia tao ambadik'io Andry Afo io Izy. Nanao hoe, "Avy tamin'Andriamanitra Aho, ary ho any amin'Andriamanitra Aho."

²⁹³ Rehefa tao an-tranomaizina i Petera, dia niditra io Andry Afo io, nanokatra an'ireo varavarana ary nitondra azy nivoaka tany ivelany. Marina izany.

Taiza no nitarihan'io Andry Afo io azy ireo?

²⁹⁴ Ankehitriny, tsarovy, tsy i Mosesy ilay Andry Afo. Izy dia mpitarika voahosotra, teo ambanin'io Andry Afo io, ary ilay Andry Afo dia nanamarina fotsiny ny Hafany niaraka tamin'ireo famantarana sy fahagagana.

²⁹⁵ Ary io Andry Afo io no nitarika azy ireo ho any amin'ilay tany izay nampanantenain'Andriamanitra azy ireo, izay Izy, Izy tenany, dia ho tonga nofo eo anivon'izy ireo, indray andro any. Marina ve izany? [Hoy ny fiangonana hoe, "Amena."—Mpand.] Inona no nataon'izy ireo? Nimonomonona sy nihodinkodina, sy ny zavatra hafa rehetra, mba haneho fa teo ambanin'ny ràn'ny zanak'ondry mahazatra izany.

²⁹⁶ Fa amin'izao fotoana izao (voninahitra ho an'Andriamanitra), ilay Andry izay hitantsika eo anivontsika, ilay Andry Afo izay hitarika antsika ho ao amin'ny Arivo taona, rehefa hiverina ho an'ny Olony Izy ao amin'io fanjakana Arivo taona lehibe io aorian'ity fifindrana ity, izay hiainantsika Mandrakizay miaraka Aminy. Manana ny Tenin'ilay Ray foana Izy, manaporofo foana fa marina Izany.

²⁹⁷ Ao amin'ny fifindrana anankiray isika. Ary hiainga, ka hamono an'ireo fandraisam-peo afaka fotoana fohy. Oh, ry sakaizako, ry rahalahiko, izay samy manatrika ary izay hihaino an'ireo horonam-peo, mamelà ahy... amin'ny maharahalahinareo sy teratanin'ilay Fanjakan'Andriamanitra. Mivoaha, midira ao amin'ity fifindrana ity, fa ny rehetra izay tavela any aoriana dia hitondra ny mariky ny bibidia. Mivoaha avy ao Babylona. Mivoaha avy ao amin'io fifanjevoana io. Mivoaha avy ao amin'ireo rafitra ireo, ary manompoa an'Andriamanitra velona. Avelao...

²⁹⁸ Io Anjelin'ny Fanekena lehibe io! "Jesosy Kristy, ao amin'ny endrik'Andriamanitra, dia nihevitra fa tsy fandrobana, ny ho tonga hitovy amin'Andriamanitra." Ankehitriny dia Andry Afo iray Izy, ao amin'ilay endrika iray ihany izay nisy Azy fahiny, nitondra an'ilay fifindrana voalohany, nitondra an'ilay fifindrana faharoa, ary eto Izy miaraka amin'ny fifindrana fahatelo.

²⁹⁹ Ny fifindrana voalohany, inona no Nataony? Nitondra azy ireo nivoaka avy tao amin'ny tany ara-nofo iray Izy, ho any amin'ny tany ara-nofo iray.

³⁰⁰ Ny fifindrana faharoa, nitondra azy ireo nivoaka avy tao amin'ny toerana ara-panahy iray Izy, nankao amin'ny batisa ara-panahy an'ny Fanahy Masina.

³⁰¹ Ankehitriny dia mitondra azy ireo avy ao amin'ny batisa ara-panahy an'ny Fanahy Masina Izy, miditra avy hatrany ao amin'ilay Tanin'ny Arivo taona Mandrakizay sy ilay any Ankoatra lehibe. Andry Afo iray ihany, tamin'ny alàlan'ny rafitra voahosotra iray ihany, Andriamanitra iray ihany manao an'ireo zavatra mitovy! Ary ilay Teny iray ihany, nanambara ny voalohany, no nanambara ny faharoa. Ilay Teny iray ihany, nanambara ny faharoa, no nanambara ny fahatelo, ary eto dia mahita Azy isika eo anivontsika.

³⁰² Mivoaha. Oh! Mivoaha avy ao amin'ity korontana ity. Manatôna an'Andriamanitra velona. Manatôna ny Teny. "Ary ny Teny dia tonga nofo ka nomina teo anivontsika." Ary ankehitriny dia ao anatin'nynofontsika Izy, monina eo anivontsika. Mivoaha ary manompoa an'Andriamanitra velona.

³⁰³ Raha manondrika ny lohantsika isika. [Miteny amin'ny fiteny hafa ny rahalahy iray. Manome ny dikany ny rahalahy hafa iray—Mpand.]

³⁰⁴ Miaraka amin'ny lohanareo miondrika. Avy ao amin'ny halalin'ny fanahinareo ao, avy ao amin'ny halalin'izay rehetra ao anatinareo ao, sitrakareo ve ny hahatsiaro ny... Vonona ny hanajanona an'ireo zavatra rehetra an'izao tontolo izao ve ianareo, ka hiaina ho an'Andriamanitra? Ankehitriny, raha tsy te-hanao an'izao ianareo, dia aza atao ilay izy. Fa raha te-hanao an'ilay izy ianareo, amin'ny fonareo rehetra, hoe resy lahatra ianareo ankehitriny. Araka ny nolazain'i Jesosy, teo amin'ny fiafaran'ny Asam-panompoany hoe, "Mino ve ianareo ankehitriny?" Resy lahatra ve ianareo fa marina ireo zavatra ireo, nohamarinin'Andriamanitra, ary ao amin'ny andro farany isika izao, ka te-hanatona an'i Kristy marina ianareo ankehitriny? Midira ao amin'ity fifindrana ity, an'ilay antso hivoaka avy ao amin'ny tsy firehana, fanaovana anarampiangonana, ireo hevitra sy zavatr'izao tontolo izao. Ary te-hanolo-tena amin'ny fo manontolo ho Azy ianareo ka hiditra ao amin'ilay fifindrana, ho an'ilay Tany nampanantenaina voatahy, hanangana ny tànanareo ve ianareo raha mivavaka isika? Tena azonareo antoka ve fa te-hivoaka ianareo, ny tsirairay?

³⁰⁵ Ray An-danitra, ireo izay manangana ny tànanay, dia avelao izy ireo hivoaka ankehitriny, Tompo. Aoka ny Fanahy Masina, eo ambonin'ny fampanantenan'ny Teny, aoka ny Fanahy Masina hihetsika ao am-pon'izy ireo. Ato amin'ity fiangonanay ity, dia misy tànana eo amin'ny roapolo eo, neveriko, Ray, fa afa-po sy mahafantatra fa izany—fa izany no marina, ary te-hivoaka izy ireo. Raha nisy...

³⁰⁶ Tamin'ny andro nivoahan'ny Isirael, tao amin'ireo olona roa tapitrisa sy sasany, dia roa ihany no nahavita an'ilay tany.

³⁰⁷ Tamin'ny andron'i Jesosy Kristy, dia nisy teo amin'ny roapolo amby zato no nahavita an'ilay izy.

³⁰⁸ Ary ankehitriny, ao amin'ny andron'ny fiafaran'izao tontolo izao, dia hoy Ianao hoe, "Èty ny vavahady, ary tery ny lâlana, ka vitsy no hahita azy. Fa malalaka ny lâlana izay mitondra any amin'ny faharavana, ka maro no hiditra." Tsy mety diso ireo Teny ireo. Anao izy ireo.

³⁰⁹ Ankehitriny dia mivavaka ho azy ireo aho, Tompo. Mivavaka aho mba Ianao no, amin'izao ora izao, amin'ny alàlan'ny Fanahinao Masina, hamora ny fon'izy ireo. Esory ny zavatra rehetra avy amin'izao tontolo izao. Forao ny sofin'izy ireo, mba hahafahan'izy ireo mandre mazava ny Feon'Andriamanitra, miantsso, amin'ny alàlan'ny Teniny sy amin'ny alàlan'ny Hazavan'ilay andro. Ary ekeo, Tompo, mba hisokatra ny mason'izy ireo, mba hahafahan'izy ireo hahita ny voninahitr'Andriamanitra amin'izao fifaranan'ny ora farany izao. Hoy Ianao hoe, "Izay rehetra nomen'ny Ray Ahy no hanatona, ary Izaho hanangana azy ireo amin'ny andro farany."

³¹⁰ Tompo, angamba misy maro eto izay tsy mahazo akory aza. Mivavaka aho mba Hiasanao amin'izy ireny, ary hamela azy ireny hahazo fanararaotra, Tompo, mba hahafahan'izy ireo afaka hahazo, handre Anao hiresaka amin'ny alàlan'ny Teninao, manaporofo ny Teninao; ary koa hiresaka aminay ao amin'ilay feo ivelan'ny voajanahary, ary koa miaraka amin'ny fandikana anankiray; mba hahita an'ireo Asanao lehibe manaporofo an'Izany ho marina, araka ny Baiboly. Mivavaka aho, Andriamanitra, mba Hamelanao anay nohon'ny fahotanay, ankehitriny, ary tahaka ny hametrahako ny tenako eo ambonin'ity Teny ity.

³¹¹ Andriamanitra, ataoko fa, herinandro lasa fotsiny izay, izaho—izaho dia nametraka ny tenako teo ambonin'ny lehilahy maty iray teto amin'ny gorodona teto. Nahita an'ilay Fanahy Masina lehibe aho namerina azy tamin'ny fiaianana. Ny masonry efa nivadika tany aorian'ny lohany, nandry, maty. Teny iray kely fotsiny, fohy tamin'ny fiantsoana ny Anaranao, dia hitako izy velona. Eto izy androany, mbola, velona. Tompo, Ianao no Andriamanitra tsy miova, izay, rehefa nametraka ny tenany teo ambonin'ilay zazalahy i Paoly, izay nihaino azy nitoky teny tena ela be, dia nianjera avy teny amin'ny varavarankely io olona io. Ianao no Andriamanitra tsy miova izay afaka mamerina ny aina. Misaotra Anao izahay, Ray. Enga anie... Mety tsy mino ilay tsy mpino. Fa izahay dia mino, Tompo. Ianao no manaporofo ny Teninao aminay.

³¹² Ankehitriny aoka ilay fisaintsainan'ny foko, sy ireo eritrerity ny fisainako, ny heriko sy ny rehetra, hiempo ao amin'ity Teny ity. Ary aoka izaho sy ny Teny, miaraka, Tompo, miaraka amin'ny olona, handroso mankany amin'ny Fanjakana'Andriamanitra. Ekeo izany, Tompo. Avelao ny fahotanay. Sitrano ny aretinay, ary ataovy ho vahoakan'ny Fanjakanao izahay.

³¹³ Ary ankehitriny, raha manatona izy ireo, Tompo, ka misokatra ilay dobo, vonona ny rano, ary hanomboka ny fanaovana batisa afaka minitra vitsy, dia mahatsiaro izahay rehefa voatory ity Filazantsara iray ity ihany, hoy ny Baiboly hoe, "Izay rehetra nino dia natao batisa."

³¹⁴ Mipetraka eto ireo mosara, Tompo, izay tsofiko rano amin'ny Anaran'i Jesosy Kristy, ho an'ny fanasitranana ny marary. Avy eo rehefa...

³¹⁵ Lava ny fotoananay, notaritina, fa tara ny ora. Tsy maintsy mamafy ny Teny izahay raha mbola misy ny tany iray hamafazana Azy, fa ho avy ny ririnina mangatsiaka. Hitanay izany. Mihintsana ireo ravina, ary fantatray fa tena antomotra ilay ririnina. Tsy maintsy miava ny manodidina izahay ary mandevina an'ilay Voa. Noho izany, dia mivavaka aho, Ray Andanitra, mba Hiresahanao amin'ny fo tsirairay.

³¹⁶ Ary hoy ny Baiboly hoe, “Izay rehetra nino dia natao batisa.” Ary, Tompo, raha misy maro eto ankehitriny no nino, ka tsy mbola vita batisa mihitsy tamin’ny Anaran’ilay Zanaka malalanao, Jesosy, dia enga anie izy ireo ho avy izao maraina izao, amin’ny fahalemem-panahy sy am-panetre-tena, ka hiaiky ny fahotany, ka ho faty amin’ny zavatr’izao tontolo izao; ho voalevina, handray ny Anaran’i Jesosy Kristy; haina am-pahamasinana, avy eo, amin’ny alàlan’ny fanampian’ny Fanahy Masina. Apetrakay Aminaо izy ireo ankehitriny, Tompo, ho an’izany tanjona izany, amin’ny Anaran’i Jesosy Kristy. Amena.

³¹⁷ Ankehitriny dia averintsika amin-dRahalahy Neville ny fotoana, ary na inona na inona tokony ho lazainy, raha eo am-pivononana ho an’ny fotoanan’ny batisa.

³¹⁸ Ary rahariva, amin’ny fito sy sasany, raha sitraky ny Tompo, dia te-haka feo an’izany Hafatra iray hafa izany aho. Andriamanitra hitahy anareo mandra-pahatongan’izany. 

NY FIFINDRANA FAHATELO MAG63-0630M
(The Third Exodus)

Ity Hafatr'i Rahalahy William Marrion Branham ity, izay notoriana tamin'ny Teny Anglisy ny Alahady maraina, 30 Jona, 1963, tao amin'ny Branham Tabernacle ao Jeffersonville, Indiana, U.S.A., dia nalaina avy tamin'ny horonam-peo ary natonta manontolo amin'ny Teny Anglisy. Ity fandikana amin'ny Teny Malagasy ity dia natonta sy nozarain'ny Voice Of God Recordings.

MALAGASY

©2015 VGR, ALL RIGHTS RESERVED

VOICE OF GOD RECORDINGS
P.O. Box 950, JEFFERSONVILLE, INDIANA 47131 U.S.A.
www.branham.org

Filazana fahefan'ny tompon'ny boky

Tsy azo adika. Ity boky ity dia azo atao printy amin'ny fanaovam-printy ao an-trano ho an'ny fampiasana manokana na ho zaraina, tsy misy sarany, ho fitaovana iray hanaparitahana ny Filazantsaran'i Jesosy Kristy. Ity boky ity dia tsy azo amidy, na adika indray amin'ny refy lehibe, na alefa amin'ny siteweb iray, na tehirizina amin'ny fomba nisy nanesorana, na adika amin'ny fiteny hafa, na ampiasaina ho fangataham-bola raha tsy misy alàlana voasoratra mazava avy amin'ny Voice Of God Recordings®.

Ho an'ny fanazavana fanampiny na ho an'ny fitaovana hafa efa azo raisina, dia iangaviana hifandray amin'ny:

VOICE OF GOD RECORDINGS
P.O. Box 950, JEFFERSONVILLE, INDIANA 47131 U.S.A.
www.branham.org